

497



214<sup>2</sup>






7

T  
14<sup>2</sup>


cm 1 2 3 4 5 6 7 8 9 10 11 12 13 14 15 16

1 2 3 4 5 6 7 8 9 10 11 12 13 14 15 16 17 18 19 20 21










2197







# DE LA FACVL

té & vertu admirable de l'Antimoine, avec responce à certaines calomnies: le tout composé par Maistre Loys de Launay Medecin ordinaire de la Rochelle.



A LA ROCHELLE.

*De l'Imprimerie de Barthelemi Berton.*

*M. D. LXIIII.*

64



ALLA ROCHELLE  
Le 15 Mars 1848  
Monsieur le Ministre  
des Finances  
Paris  
J'ai l'honneur de vous adresser  
ci-joint le rapport que vous m'avez  
demandé par votre lettre du 10 courant.



ALLA ROCHELLE  
Le 15 Mars 1848  
Monsieur le Ministre  
des Finances  
Paris



A MESSIEURS IES MAIRE  
Eschevins, Conseillers, & Pairs de la ville, de la  
Rochelle, Loys de l'Aunay medecin ordinaire  
desire Salut.



N T R E les faits admirables, Que  
Dieu à mis en ce Monde, pour le reuerer, &  
reconoistre le seul Createur de toutes cho-  
ses: Le n'en trouue point, ou plus sa vertu, &  
clemence, reluyse, qu'ès plantes, & pierres,  
qu'il a mis sur la terre, Desquels l'efficace  
est si grande, que l'esprit humain ne les pourroit comprendre.  
Sinon qu'il luy a plu en faire participans quelques hommes:  
qui par leur labeur, comme son instrument ont trouue la No-  
ble science de Medecine. Par laquelle l'homme tombé en infir-  
mité, est aydé, & secouru. Car que feroit-il, estant affligé de  
tant de maladies, qui tous les iours luy suruiennent? S'il n'a-  
noit ceste consolation, & espoir: de recouurer sa santé, par ceste  
science: Moienant ceste vertu diuine, qui consiste es plantes  
& pierres? Ne se pourroit-il pas dire, plus miserable, que les  
autres bestes, veu qu'elles scauent, sans precepteur, & de leur  
propre nature, soy secourir en leurs necessitez, & trouuer ce  
qui leur est profitable à se guerir? Et afin que i'en donne vne  
preuue familiere. Le chien quant il est malade, ne cherche-il  
pas son herbe, appelee de Pline Canaria? pour se faire vomir?  
par la quelle il est incōtinent guerir. Le Cerf estant blessé d'une  
fleche, cherche l'herbe nommee Dictamum, laquelle mangée, à  
ceste puissance, luy ietter hors du corps la fleche. Et si d'auan-  
ce il est picqué d'une maniere d'herignee, nommee Phalan-  
gium, qui luy est mortelle, mange des Chancres, par lesquels  
il recouure sa santé. L'helephant, si dauanture en broutant la  
foulee des Arbres, deuore vn Chameleum, qui prend la couleur  
de la foulee, ou il se cache: sentant son peril: à recours à Lo-

A ii



liuier sauvage, qui le preserue de la mort, à laquelle succom-  
beroit, pour auoir mangé ceste beste venimeuse. L'ours leche les  
Fremis, quand il a mangé des pommes de Mandragore. Le  
Crapant picqué de L'herignee, qui luy est ennemie mortelle, a  
recours au Plantain, ou au Bouillon blanc. Et tant d'autres,  
qui cognoissent leurs remedes, quand elles sont tombées en in-  
firmité. Le seul homme, ne sçait rien que plorer, comme nay à  
toutes miseres, i'açoit que toutes choses soyent faites pour luy.  
Si faut-il toutes fois, que par labour, & estude, il paruiene à  
telle cognoissance, encores bien petite. Car beaucoup de vertus  
secrettes, luy sont cachees. Brief le seul homme, ne sçait rien,  
sans precepteur. Et non sans cause. Car luy qui est arrogant,  
& outreuidé de sa nature, se fust attribué l'honneur, qui ap-  
partient à Dieu, si de soy-mesmes, eust cogneu telles vertus  
admirables, cachees és herbes, & plantes. L'arquoy a esté si  
bien abaissé de cest orgueil, que si peu qu'il en cognoist, a esté  
contraint d'apprendre, voire des bestes brutes, beaucoup de  
remedes, qui luy sont profitables, pour remedier à ses infirmi-  
tés. Pouuons-nous nier, que certaines bestes, ne nous ayent  
monstré l'usage des Clisteres: les autres la Phlebotomi: & au-  
tres medecines purgatiues, dont on vse en l'art de Medecine?  
Outre cela, Dieu par sa clemence, cognoissant l'infirmité de  
nostre Esprit, & la briefueté de la vie humaine, qui ne pour-  
roit satisfaire à trouuer tels secrets, nous a voulu aider, en  
reuelant par songes, certaines herbes, desquelles la vertu estoit  
incomprehensible. Nous lisons és histoires anciennes, de Dio-  
dorus Siculus: que apres vne bataille qu'eut Alexādre le grād  
contre les Bracmaines, qui vsoyent de fleches tellement empoi-  
sonnees, que pour quelque petite playe qu'on en receuoit, on  
en mouroit. Aduint qu'entre ses Capitaines, vn des plus fa-  
uoris de sa Maiesté, nommé Ptolomee, qui depuis fut Roy  
d'Egypte, s'en trouua blessé. A raison duquel, ledit Alexan-  
dre estoit fort ennuyé, & cherchoit partous moyens aide, pour  
le secourir, & sauuer sa vie. Mais rien ne se trouuoit, qui  
peust



peust dompter ce venin, tant il estoit pernicieux. Et demouroit son Capitaine en imminent peril de mort, sans espoir de secours humain. Ce qui luy pesoit fort sur le cœur. Mais en son dormant, songea qu'il voyoit un dragon, tenant en sa bouche certaine herbe, par laquelle, on luy promettoit secours contre ce venin: de laquelle il retint la figure. Le matin recordant son songe, chercha la dite herbe, qu'il recogneut, la pila, en donna le iust à boire à son malade, & appliqua le marc sur la playe, & incontinent fut gueri. D'utemps de Pline un autre Romain, de la garde de l'Empereur, fut mords d'un chien enragé, & commençoit desia à craindre l'eau, qui est un mauuais signe en telles maladies. Mais sa mere songea, qu'elle luy bailloit à boire avec du lait, de la racine d'un Esclantier, qu'elle auoit veu florir le iour precedent en son iardin. Et que par telle potion, son fils seroit gueri. Ce qu'elle fit, & son fils fut gueri. Les bestes brutes en ont trouuée beaucoup, & les ont enseigné aux hommes. Comme une certaine herbe, par laquelle un Dragon fist recouurer la vie à un de ses petis, qui auoit esté tué. Par laquelle aussi un certain homme, nommé Tillo, receut vie, apres auoir esté tué d'un Dragon, comme raconte Xanthus historien ancien, en ses liures. Les petites Ironnelles ont mōstré la vertu de l'herbe, que nous appelōs esclere, ou autrement Chelidoine. La Bische apres auoir faonné, mange de l'herbe, nommee Siseli, pour luy oster les tranches, qui ont accoustumé de venir, apres l'acouchement. En nous declarant, que telle herbe peut profiter és femmes, affligées de pareil mal. Je laisse les autres, à cause de briefueté. Nous auons aussi une cognoissance de tels effets, par cas fertuits, comme il aduint à un pauvre elephantic, que nous appelons vulgairement ladre, ainsi que recite Galien au liure des Simples, & au secōd ad Glauconē, auquel certains moissonneurs enuoyerent un baril plein de vin, dedans lequel s'estoit estouffé un vipere, & pensans luy faire grand plaisir, de le faire mourir sans ainsi trainer une si miserable vie, trouuerent tout le contraire, &



leur intiction car apres que ce pauvre hōme en eust beu fut gue-  
ri de sa maladie & retourna en sa premiere sante qui fut un  
remede, que lon n'eust iamais pensé, il est escript, aussi, Que a-  
pres vne guerre, qu'eurent les Atheniens, cōtre leurs voisins.  
Les corps morts, qui estoient tombez sur l'herbe appelee Scor-  
dium, furent longtemps sans pourrir, & sans mauuaise odeur.  
Mais ceux qui estoient sur d'autres, incontinant furent  
corrompus. Qui donna à cognoistre aux hommes diligens à  
chercher tels secrets, que telle herbe, preseruoit le corps de pu-  
trefaction: & depuis on la mise en vsage, contre les maladies  
pestilentiellles, qui prouiennent de la corruption de l'air, & des  
humeurs du corps, avec bon euenement, & soulagement des ma-  
lades, Ce qui estoit auparauant caché. Ainsi tous les iours, se  
trouuent des secrets, qui n'ont pas esté cogneus à nos Anciens.  
Où s'ils l'ont cogneu, beaucoup l'ont celié, pensant auoir tout  
perdu, s'ils le reueloient, & n'estre plus en estime. Qui est un  
grand deshonneur à l'homme, de porter enuie aux dons de  
Dieu, & en vouloir frustrer la vie. C'est bien loin de suivre le  
chemin de nos Anciens, qui n'ont rien voulu cacher à leur  
posterité, qui pensoient luy estre profitable, Ils n'ont espargne  
leur vie, & labeur, à monter sur les hautes & inaccessibles  
montagnes: descendre es Cauernes de la terre: aller par les de-  
sers: pour chercher Herbes, Racines, Pierres, Metaux, &  
autres choses qui peuuent seruir à l'homme, & le secourir en  
ses maladies. Puis par vne grande charité, les ont mis par  
escrit, affin que le profit de leur labeur, ne fust inutile: Mais  
renint à la posterité. Laquelle pour recompense, les honore  
d'une memoire immortelle. Comme Galien, Pithagoras, Demo-  
critus & autres, qui ont voyagé en Regions lointaines, pour  
paruenir à telles cognoissances. Ce qu'ont ensuiui beaucoup de  
ceux qui viuent à present, dignes d'honneur, & d'immortalité.  
Qui n'ont espargné leurs biens, ne leur vie, pour paruenir à  
ce degré d'honneur, de profiter, tant à ceux qui sont viuans:  
que à la posterité & pour illustrer ceste noble science de Me-  
decine



decine. Lesquels viurent encore mil ans apres leur mort, parlant par leurs escrits à ceux qui seront viuans. Entre lesquels reluit Monsieur Mathiolus medecin encores viuant, qui par sa doctrine, & sçauoir diuin, A illustré l'excellent liure de Dioscoride, par ses Commentaires, sans estre ingrat à nous reueler beaucoup de secrets admirables, qu'il à trouué par son labeur, diligence, & estude: desquels ne nous a voulu frustrer. Mais liberalement & d'un cœur genereux, Nous les à communiqué; pour en faire nostre proffit, & en aider à la Republicque. Entre lesquels pour le faire brief, nous à baillé l'usage de L'antimoine, si long temps caché. Duquel la faculté, ne pourroit estre trop louée. Comme sera monstre cy apres, en la deduction de mon liure. Et par l'esperience qu'en ay fait, de la doctrine du dit Mathiolus, Et pensant par telle experience, recevoir grace de ceux qui en auoient la congnoissance, & qui s'en pourroient aider, au grand proffit du peuple, Tout m'est tourné à enuie & detraction. Tesmoins en sont ceux, qui ont ouy parler certains personnages, l'appelant poison & empoisonneurs, ceux qui en vouloient faire vser: Ce qui m'a esmeu escrire ce present liure, pour ressondre à leurs raisons Calomnieuses: & leur monstrier, combien ils sont eslongnez de verité, & des meurs des anciens, qui extolloyent iusques au Ciel, ceux qui estoient inuenteurs de tels biens, les reputoient comme dieux, c'est bien loin de chercher le moyen, par telles congnoissances, pour suruenir à la Republicque, veu que par leur enuie, veulent cacher, ce qui est ia trouué, & experimenté, si salutaire, & profitable. Et d'autant que en ceci non seulement mon honneur y est foulé, Mais aussi tacitement le vostre y est blessé. Vous ay bien voulu presenter ce petit liure, non seulement en recongnoissance de vos biens, Mais aussi, affin qu'en le lisant, congnoissies combien est pernicieuse la langue d'un Calomniateur. Qui à tort où a droit ne se soucie de picquer un autre, moyennant qu'il satisface, à son inique desir. Mais quiconque soit, qui ait ainsi mal parlé, Je le supplie,  
toute



toute mauuaise affection ostée, lire ce present traitté, auquel  
si i'ay mal dit, ie le prie de le corriger humainement, & sup-  
porter mon infirmité, aussi, si ie dis la verité, ie le prie, de refre-  
ner sa langue, & ne mesdire de celuy, qui a voué toute son  
estude & labeur, pour profiter à vous, & à vostre Republi-  
que. Car son vouloir a esté tel dès sa ieunesse, & perseuerera  
iusques à la mort. A Dieu.



CLAVDIVS DAN-  
glerius praefes Rochellanus in

æmulos Lodoici Launæi Medici & Phisici  
doctissimi, Carmen.

**L** Aunaum quisquis nimium mordere parasti,  
Nunc legene pigeat, postea non pudeat.  
Isticet ardenti non fulgeat aureus ostro  
Veste subhactenui plurima gemma latet.  
Abstrusas telluris opes, & viscera pandit,  
Et quid sit stimini, quod modo nescieras.  
Hoc tandem clarum Launæus reddidit orbi,  
Præque tuis oculis abdita tanta dedit.  
Dulce quidem scripto, sed fructu dulcius omni  
Melle, quod ex hybla, sedula fundit apis.  
Hic docet exangues animas subducere parcis  
Et premature frena domare necis.

PETRAEI CONSILIARII REGII,  
urbis diœceseosq; Rochelanæ præfecti.  
HEXASTICON.

**D** V M sibi voluit launæus fossile saxum,  
Atque huius referat iamque benignus opes:  
Prudens ille quidem duo prestat munere tanto,  
Hypocratem nempè, atque Amphitrioniadem.  
Confodit lerna quando insuperabile monstrum,  
Et vitæ reddit iam moribundum hominem.

B

Libelli



P. B. R.  
A D L O D O I C V M  
Launæum authorem.

**A**rcana naturæ ac rerum noscere causas,  
Principiisque quibus totum hoc quæd cernitur extet  
Magnum opæ pretium est, & toto longius ævo.  
Quoque minus capit æternum mens infima numen  
Hoc minus assequitur, latitant etsi ipsa, videntur  
Fœlices quibus è cœlo Deus Optimus alto  
Affulsit, seseque dedit velut inspicendum.  
Hæc ignorari ut liceat, tamen ipsa, quod aiunt,  
Res loquitur, penè ac nobis configit ocellos,  
Tanta stupenda sui prodit miracula vultus,  
Sed quæ oculis obiecta patent per sepe neglectis  
Dormimus tamen, aut securi, ludimus, oti  
Tanquam sit satis, est tanti nec cura negoti:  
Quod si quid miramur, in hoc consistimus, ac non  
Vltrà progredimur, nisi si quid forsitan ardens  
Ambitione explet miseræque Cupidine pectus.  
Hinc & in antiqua sevitum est viscera matris,  
Hinc effossa liquent argenti flumina, & auri,  
Pernicies hominum, pauci meliora sequuntur,  
At tu Pæonia quem vix quicquam latet artis  
Ne maiora loquar veluti blanditus amico,  
Te rerum atque hominum ut docuit pater, illius ingens  
Non solum admiraris opus stupefactus, & herens:  
Sed quæ magna tua est solertia, singula quæque  
Sedulus exquiris, nec inexplorata relinquis  
Launæ, obscura & multis incognita seclis  
Non tantum in lucem nunc primum reddita profers,  
Inque usum reuocas medicamina. Sed male si quis

Oblo-



Obloquitur, grauitè, summa ratione, modoque  
Differis arguto, & ne contra garriat unquam  
Os illi occludis, malit ni vera fateri.  
Vt iam quid stimmi aut stibi, quæ stuma lapilli  
Quantæque vis, agris an conferat ipsa salutem,  
Anue necem, sit ne antidotum, an mortale venenum,  
Post hac sic lippis notum ac tonsoribus, Hæc tu  
Cetera pellendis & que sunt commoda morbis,  
Indignum ducens alieno insistere gressu,  
Quin prius & rem omnem plane dignoueris, atque  
Iudicium addideris sapiens maturius. At quam  
Prostibio bene dixisti Launæ, precamur  
Illius ut cedat tibi tam feliciter usus.

## LIBELLI PROSOPOPOEIA

Hexasticho comprehensa, per Petrum  
Renaldium Rupellatum.

**Q** Visquis aues stibi vires benè nosse, libellum  
Me, legisse semel non satis est, relege.  
Dimidia trita tædebit solius hora?  
Lectio grata mei tantula nec fuerit?  
Vita, quæ iam iam letho sunt proxima, quorum &  
Desperata salus, corpora restituo.

B ij

Non



**N**O N, non tu n'aurois pas deuant tes yeulx la France,  
De mon docte Launay l'ouurage ingenieux,  
Sans l'importun Babil de plusieurs enuieux  
Qui n'estiment rien plus, qu'eux, & leur ignorance.  
Tu ne scaurois encor' ie le dis d'assurance:  
Combien les mineraux ont de pouuoir en eux,  
Et comme on les extrait, de leurs abismes creus  
Sans son docte labeur, & sage experience.

Voila comme souuant le vice, bien qu'il soit,  
De soy mesmes mauuais; tousiours ne nous decoit,  
Mais quelquefois du bien, par my le mal nous garde.

Comme en ce lieu Launay doctement nous fait voir,  
Nous monstrant bien au vray, que son diuin scauoir,  
Atrompe l'ignorance, & l'enuie iasarde.

Soit en paix, ou en guerre.

II





L sera bon & necessaire,

auant que de declarer que c'est que l'Antimoine, de toucher vn peu de la nature des metaus, & des pierres metaliques, d'autant qu'entre ceux qui en ont escrit,

les vns le metent entre les metaus, les autres entre les pierres metaliques. Ceux qui le metent entre les metaus, disent: que c'est la quatriesme espece de plomb, & diuisent ainsi le plomb. Le plomb noir qui est le vulgaire, & commun plomb, le plomb blanc, que nous appellons estaing, le plomb cendré, que nous appellons estaing de glacé. Et le quatriesme l'antimoine, les autres qui le metent seulement entre les metaliques, disent qu'il n'y a que sept metaus, selon les sept planettes. Scauoir est le plomb qu'ils attribuent à Saturne, l'estaing, qui n'est que le plomb blanc, à Iuppiter, le fer, à Mars, l'or au soleil, le cuiure à venus, l'argent vif, à Mercure. Et l'argent à la Lune. Et pour leur raison disent, que tous metaus sont ductiles, & extensibles, & se peuuent à longer, sans la separation de leurs parties, l'antimonie n'est point ductile, mais plustost friable. C'est à dire, qu'il se diuise en plusieurs parties indifferemment, & sans garder nul ordre, comme il appert, que par le marteau, il se diuise en parties infinies, & en poudre, comme font les pierres metaliques. Il est donc plus conuenable, de le dire pierre metalique, que metal. Et pour mieus decider de ceste controuersie, sera besoin, en brieuf de parler de la nature des metaus, & des pierres metaliques, & de leur generation: affin qu'ayant congneu leur nature, nous soyons assurez, auquel des deux nous mettrons l'antimoine.

Aristote en son troytiesme, & quatriesme des metheores, dit, que soubz terre, il se fait deux exhalations: l'une est fumeuse & seche, l'autre est vaporeuse, & humide. Et de la seche s'engendrent par son igneire, les pierres qui ne se

B iij

peuuent

*Diuisiō du plomb.*

*L'antimoine est pierre metalique*

*4. especes de plomb*



peuvent fondre. Et de l'humide s'engendrent les métaux  
& pierres métalliques, qui se peuvent fondre, ou estendre.  
D'autant que ceste exhalation, estant enclose principale-  
ment dedans les pierres, s'assemble, & se congele en vn, pour  
la secheresse du lieu, sans soy separer: par quoy leur matie-  
re est cōme eau, & nō eau, bien en puissance eau, & non pas  
eau. D'autant que comme dit Aphrodiseus, Ils sont faicts  
d'une vapeur humide, qui potentiellement est eau, & de la-  
quelle elle est faicte. Toutesfois avant que toute la vapeur  
soit exhalée, & redigee en eau, la matiere des métaux est  
constipée & amassée ensemble. Voila pourquoy il dit, que  
la premiere matiere desdicts métaux, est eau, & nō pas eau.  
Mais aussi d'autant que telle constipation se fait avant la  
separatiō de l'eau, il faut qu'il y ait quelque portion de ter-  
re meslée avec l'adite eau. Car ils ne pourroyent estre en-  
gendrés de la seule exhalation seche. Et telle constipation  
& congregation ne se peut faire, que par le froid: d'autant  
qu'ils se dissoluent, & fondent par le feu. Or routes choses  
qui se fondent par le feu, sont assemblées par froid, & tou-  
tes choses qui se fondent par l'eau, sont assemblées par le  
feu. D'autant que les actions contraires, sont faictes par  
causes cōtraires. Parquoy faut resoudre selō son opinion,  
que la matiere des métaux, n'est que eau, & terre assemblés  
ensemble. Puis dit: il est donc tout notoire, que tous corps  
sont composés par chault & froid, lesquels font leur opera-  
tion en s'espaisissant, & assemblant. Et d'autant que par  
ces deux qualités, toutes choses sont faictes: il est necessai-  
re qu'il y ayt chaleur en toutes choses, & en aucunes froid,  
entant que la chaleur defaut. Parquoy veu que la chaleur  
& le froid, qui besongnent, & l'humour & secheresse qui  
souffrent, sont en tous les corps, d'autant que cela est com-  
mun à tous. Il faut que tous en participent, les corps donc  
similaires, tant des bestez, que des plantez, sont faicts, &  
sont participans, & ont leur consistence, & composition  
de



de terre & d'eau. D'auantage toutes les choses metalliques,  
comme l'or, l'argent, & autres semblables, sont faictes tant  
de ces deux, que de l'exhalation enclose, comme nous a-  
uons dit, qui prouient de l'un & de l'autre. Par lesquelles  
parolles pouuons entendre, que la premiere matiere des  
metaus, & pierres metalliques, c'est terre & eau, & l'exha-  
lation qui prouient de eux. Ce que declarant Aphroditeus  
dit: qui par l'exhalation des deux, il signifie tant l'exhala-  
tion, qui prouient de la terre, laquelle est seche & fumeuse  
que l'exhalation, qui prouient de l'eau, qui est si vaporeuse,  
& de ces deux exhalations, ainsi encloses sous la terre, sont  
composees & formees, tant les choses metalliques, que les  
pierres fossiles. Scauoir est, les fossiles, de l'exhalation qui  
a plus de secheresse, les metalliques de celle, qui a plus d'hu-  
midite. Platon en son timee met deux especes d'eau, lune  
est humide, & l'autre fusile. Celle qui est humide, a cause  
de ses petites parties, inegalement amassees, facilement se  
meut. Mais la fusile, a cause quelle est composee de par-  
ties grandes, & egalement amassees, est beaucoup plus sta-  
ble, & fixe. Et de ceste, ci, dict, que les precieux metaus,  
comme l'or, & pierres precieuses, sont composees. Hippo-  
crates afferme, que de la ou sortent les eaux chaudes, sen-  
gendrent les metaus, par la violence de la chaleur. Agri-  
cola s'aprouchant pres, de l'opinion de Platon, dit, qu'ils  
sont formes d'un Suc espais, assemble entre les veines, & fi-  
bres des pierres subterranees, contemperé par vne cha-  
leur subterranee. Iusques a ce, que venant le froid, les  
congele, & assemble en forme metallique. Car ce suc,  
dit il, n'est autre chose, que vne eau, qui a pris en soy,  
quelque terre, ou en passant a mine, & touché quelque pier-  
re metallique. Et tout cela cuit, & temperé ensemble, par  
la chaleur subterranee, se conuertist en forme metallique.  
A quoy semble s'accorder Theophraste en son liure des  
metaus, quand il dit, qu'ils sont faicts, d'une matiere pure  
&

Par proues pferes  
mismes de l'ecole  
fuo pferes de  
les pferes  
de l'ecole pferes



& egalé, à cause de l'eau, qui a flué, & decoulé par les lieux de leur naillâce, ie laisse l'opiniô de Gilgil le More, lequel baille leur premiere matiere, cédre & eau. Albert le grād, avec Raimond lulle, & autres Philosophes, maintienēt que la premiere matiere des metaus, & pierres metalliques, sont le soufre, & l'argēt vif. Galien en son neuuiesme des simples, parlant des metaux, & pierres metalliques, dit, tout ainsi que nous voyons, que par vng grand feu, qui consume l'humidité de la terre, se font vaisseaus, comme potz vrnes, creuches, & autres. Ainsi sous la terre, par vne longue chaleur, qui vnist, & contempere, vne substance. meslee de terre, & d'eau, & aucunesfois d'air, & la dessèche dont viennent les corps metalliques. Toutesfois la nature des lieux, ou tels corps metalliques sont produits, selon quelle est, ou plus, ou moins froide, elle en congele, & amasse. Et tout ainsi, que es differences des pierres, il y a beaucoup de substance de terre elementaire, & peu d'air, ainsi es metalliques, il y a beaucoup de substance de feu. Mais les pierres, sont au milieu des deux. Or il est veu par son dire, attribuer la premiere generation des metalliques, à la force du feu: mais la cōgelation, & composition au froid. Toutesfois le tout bien considéré, & pour le faire brief, nous resouldrons pour la verité, que la chaleur subterrane, est la premiere cause efficiente, de ceste composition, qui se fait de ceste eau & terre. Et que selon la perfection, & temperee coction d'iceux, s'engendrent les plus precieus metaus, & pierres metalliques. Mais apres ceste coction, & purification, le froid du lieu, les assemble, si bien, qu'ils sont quasi indiuisibles d'ensemble. Car incontinent qu'ils sont fondus par la violence du feu, ils se reseriet ensemble, par la frigidité de l'air, ou du lieu, où ils sont gettes, & ne mouillent point le lieu, tant l'humidité est adherēte à la secheresse, Et si ie n'auois peur, destre trop lōg, ie pourrois monstrier, le dire d'Albert, & des autres Philosophes

*La chaleur subterrane  
p. m. m. m. m. m.  
est mortelle*



sophes metalliques, s'accorder à tout ce qu'auons deduit  
cy dessus. C'est à scauoir, que ceste premiere assemblee de  
ceste eau, & terre noble, par la chaleur subterrane, n'est au-  
tre chose, que la vraye mixtion du soufre, & de l'argēt vif, *et puratane*  
non pas de ceux que nous voyons ordinairement, non plus *2e. de bumer*  
que ceste eau, est comme eau de fontaine, comme a tres-  
bien dit Platon: ne ceste terre, comme la terre visible. Car *est-ce de*  
se seroit errer en fait, & en droit. Mais sont substances *soufre & argent vif.*  
fermes, & si bien liees ensemble, par la frigidite subterra-  
nee, quelles sont quasi inseparables, l'une, d'auec l'autre,  
comme l'humidite Radicale, & les filamés & petits corps,  
quelle conioint ensemble, en la composition des parties si-  
milaires du corps humain. Mais ce n'est pas le but, ou ie  
tends, il faut reuenir à nostre propos. Puis donc tant les  
pierres metalliques, que les metaux, ne different en leur  
premiere generation, sinon que es vns, il y a plus de terre,  
& moins d'eau, cōme es pierres. Es autres plus d'eau, que  
de terre. Et comme dit Galien: plus de feu, comme aux  
metaux: il nous faut veoir, au nombre des quels, nous met-  
trons l'Antimoine, ou auec les metaux, ou auec les pierres  
metalliques. L'appelle metaux, ceux qui se fondent sans  
perdre leur propre forme, comme l'or quant il est fondu,  
il retourne en sa premiere forme, comme il estoit aupara-  
uant. Aussi fait le plomb, l'estaing, le cuiure & autres, mais  
les pierres metalliques, desquelles on peut tirer quelque  
espece de metal, quand elles sont fondues, elles perdent  
leur premiere forme, & n'y retournent plus, mais demeu-  
rent en la forme du metal, qu'elles ont rendu par la fusion,  
cōme chalcitis, galena, pirytes, & d'autres. Il est donc bon  
à iuger, que l'Antimoine sera pierre metallique. Car de luy  
s'engendre du plōb par fusion, qui est la quarte espece de  
plōb, lequel meslé auec quelque portion de plōb blāc, que  
nous appellons estaing, se fait vn beau metal, duquel les im-  
primeurs fōt leurs caracteres, pour imprimer leurs liures.


C

Ici



Ici ne manuseray à raconter, qui sont les métaux naturels, & qui sont les artificiels, qui sont les métaux simples, & qui sont les Composez, & qui sont ceux, que fortune à plustost trouué, que l'art, comme estoit iadis aes Corinthiū duquel se faisoient les beaux ouuraiges, comme estoient les statues des dieux, les chadeliers, & autres vaisseaux d'honneur. l'ay vne medalle de lysimachus, qui est faicte de ceste espee, en laquelle l'or, surmonte les autres métaux, comme ie pense. Mais ie laisse toute ceste enumeration, à cause de briefuete, & retourneray à nostre Antimoine pour en declarer la vertu & faculté.

*Description d'antimoine*

na  Antimoine donc n'est que vne pierre metallique, trouuee comme dit Pline, es mines d'argent, qui est cause peut estre, comme dit Cardanus: qu'il tient en soy quelque portion d'argent, Les anciens tant Grecs que Latins l'ont appelle stimmi Ou stibium, ou alabarsum, les autres l'arbaton. Il en y a deux especes, comme dit Pline: le masse, & la femelle, le masse est trop scabreux, & difficile à traiter, & moins pesant, aiant moins de lueur, & plus plain de sable, La femelle est plus luisante, plus friable: & se fondant plus aisement, dont elle est mieux prisee. Aussi Dioscoride loue celuy, qui est plus resplendissant, qui se rompt en crouste, n'ayant rien de terre, ou d'ordure, & bien friable, il sert, tant en ouurages mechaniques, que en medecine. Car ceux qui fondent les cloches, alleurent, que s'ils meslent quelque portion d'Antimoine, avec leur metal, que les cloches en ont le son plus doux. Ceux qui font des miroers, en vsent: mesmes ceux qui font des boulets de Canō, disent, que iamaïs le fer ne fôdroit, si on n'y adioustoit de l'Antimoine. Il est recommandé en tout ouurage de bronze, d'autant qu'il purifie tous métaux. Mais ce n'est pas nostre entreprise, de parler de tels ouurages, il faut venir à ce qu'il sert à la medecine. I'açoit quil soit ia public par beaucoup de lieux. Toutes fois i'en diray sommairement

ce



ce qu'en ay trouué es liures des anciens. Galien dioscori-  
de & Plines s'accordent tous, à ce, qu'il refroidist, & deseché  
avec vne astringtion. Parquoy est mis aux medicamens, qui  
sordonnent pour les yeux: qu'on appelle proprement col-  
lyres, tant humides que secs. Pline dit ainsi: Sa faculté est  
de astringre & refrigerer, principalement à l'entour des  
yeux. Car pour cela, ils ont appellé platyophthalmon, quo-  
niam in Calliblepharis mulierum, dilatet oculos, pour ce  
dit il que aux collyres qui sont medicamés pour les yeux,  
il les dilate. Car calliblepharon, estoit vng médicament sec  
que on metoit sur les paupieres des femmes, pour les fai-  
re belles, & pour rendre les yeux plus fendus, & plus be-  
aux. La composition en est au quatriesme liure, de la com-  
position des medicamens particuliers de galien comme  
sensuit: Stimmios vsti & vino restincti drachina sedecim  
plumbi cremati lotique drachma octo, fuliginis thuris, spi-  
cæardi, mirrhæ torrefactæ, croci, squamæ aeris, singulo-  
rum drachma vna, omnibus leuigatis, exceptisque vitior.  
Il en y a en mesmes lieu, deux ou troys telles receptes que  
ie laisse, à cause de briefuete. Et ce que i'en ay mis icy, n'est  
sinon pour monstrier, la grande curiosité des femmes de  
Rôme, que cōme dit Iuuenal: & qui ne sçauoient comme  
despendre leur bien, quelles auoient, pour la longue paix  
& opulence de la ville. Nous endurons, dict il, les incom-  
moditez, & dommages de la longue paix. Car ne se conten-  
rans de leur beaute naturelle, avec autres fards, quelles a-  
uoient, adioustoient cestuy ci à leurs paupieres, pour leur  
faire les yeux bien fendus, & aussi de poeur quelles ne fus-  
sent chascieuses, brief elles n'espargnoient rien, pour se fai-  
re belles, & pour prendre leur plaisir. Aussi dit Pline: il em-  
pesche les fluxions, sur les yeux, & les vlcérations, en le  
metant en poudre, avec la poudre dencens, & de la gom-  
me. Il arreste le sang qui flue de la membrane du cerueau.  
Il se trouue encores meilleur contre les plaies recentes,

C ij

&

*Visus & Sanguis  
Astringens &  
Crematum*

*pour les  
yeux*

*Antimoine pour  
la plume*

*Antimoine*



77<sup>a</sup>

& contre les vieilles morsures des chiens, en le gettant dessus en poudre. Et sur les parties du corps brulees par feu, la ioustant avec gresse, lytharge, ceruse & cire. Dioscoride dit, qu'il conduit les vlcères à la cicatrice. Il guerist les vlcères des yeux, comme aussi le tesmoigne Galien: au liure des medicaments topiques. Si vous le mettes avec de la gresse nouvelle, sur vng membre eschaudé par l'eau bouillante, il empesche, qu'il ne senleue vne ampoule. Auicenne dit qu'il conserue loeil, & luy nettoye ses immondici-  
tes. Mis par le dessous, arreste le flux des femmes. On en use de cru, & de brulé, comme dit Dioscoride: Quelques hommes doctes, ont descouvert vne grande efficace, apres qu'il a este calcine, & prepare: reduit en pierre luisante, comme sera deduit ci apres. Alors que i'auray, montré, que ce n'est pas poison, comme disent les calumniateurs. Mais plustost que c'est vne des meilleures drogues, & plus cōmodés, pour le corps humain, qui ait este trouué, depuis que la medecine est medecine. Ce que ie leur prouue ray, tant par autorité, que raison, & par experience qui est celle, qui confirme le tout.

Et pour venir à l'autorité, il faut qu'ils appellent à droit, Dioscoride, Paule Aeginete, Aetius, Aëtuaris, Auicenne, Aliabbas & tous autres anciens, qui faisans mention des metalliques veneneux, n'ont rien dit: de cestuy cy, qui leur est vne grande ignominie, d'auoir esté si ignoras, que n'auoir point cogneu, ceste grāde poison, & ne l'auoir point declaré. Mais l'ont passé sous silence, comme permettent à vng chascun, licence de commettre vn si enorme peché, que de faire vser de poison, au lieu de medecine salutaire. Ils nous ont bien deffendu le plastre, la litharge, l'argent vis, la chaux, l'orpiment, le sandaracha, la ceruse, mais destimmi ou antimonium, ils n'en ont fait aucune mention. Je croy, que s'ils auoient ouy vos raisons, vous pourroyent confesser leur ignorance. Mais d'autant qu'ils  
ne



ne sont plus en ceste peine, il faut parler, de ceux, qui sont  
viuans, lesquels a bon droit, pouues reprendre, tant d'igno-  
rence, que de meschancete. D'ignorance, n'auoir entendu,  
& sceu, ce que scaués: cest que stimmi ou antimoine, est si  
grande poison. De meschancete, de donner conseil, & don-  
ner la pratique d'empoisonner, si empoisonner est, guerir  
les maladies. Feroient ils cela, s'ils auoient leu le iurement  
du bõ hõme hippocrates, lequel dit ainsi: Iamais on ne me  
scaura tant prier, que ie baille poison à personne. Ne que  
ie conseille à aucun d'en bailler. Car ie veus selon Dieu,  
sainctement passer ma vie, & exercer mon art. En quel  
dangier est ce pauvre Prince Ferdinand, qui a pour son  
medecin ordinaire, vn qui a manifesté, vne si grande poi-  
son, & qui conseille d'en vser. Messieurs, si aues pitie de  
luy, vous luy deburies mander par lettres, ou par ambassa-  
de, le grand dangier auquel il est. Car il a, comme scaues,  
Andreas Mathiolus, pour son medecin ordinaire, qui  
nous a reuelé ceste drogue. Il a Andreas Gallus, & d'au-  
tres nõ, point de moindre doctrine, que ceux la. Que dirõs  
nous de Georgius Handschius, medecin de Prage, duquel  
ay recouuert vn escript, signé de sa main, que ma commu-  
niqué vn mien amy. Dõt la teneur sensuit. Ie vous puis dit  
il asseurer, que apres Dieu, ie ne tiens vie, que de ceste pou-  
dre, parlant de l'Antimoine préparé, estant tombé en ma-  
ladie de peste. Car incontinent que fus frappé, qui estoit  
sur le soir, ie me sentis fort debilité, le cœur me trembloit,  
ie ne pouuois auoir mon haleine. I'auois vne grande dou-  
leur de teste, avec grande pesanteur laigne gausche à cause  
de la tumeur, qui commençoit à saillir, me faisoit grand  
mal. Car ie y sentoie vn prurit fort chaut. Ie pris trois  
grains de ma poudre, avec du sucre rosat, il ne passa demie  
heure, que ie vomis grand quantite de phlegme, de chole-  
re tant citrine, que verde, comme porree. Incontinent il  
me fust aduis, que ie commençay à auoir mieux mon ha-  
leine,



leine, & mon cœur à se recreer, peu de temps apres, ie feis  
sept selles, sans aucune moleste. Et incontinent le mal de  
la teste, le mal de leigne s'en alla: ie repris ma force, & fus  
incontinent gueri. l'en ay baille à vne fille de quinze ans,  
qui auoit eu la fiebure quotidienne par long temps. le la  
digeray par sirops propres, ie la purgeay par douce me-  
decine, ie luy baillay par apres trois grains d'Antimoine,  
en la chair de prunes de damas. Elle vomist plus d'une li-  
ure de pituite. Elle fust cinq fois à selle: la fiebure s'en alla,  
& ne reuint plus, l'en ay baillé, dit il, aux asthmatiques, & à  
d'autres, qui s'en sont tousiours bien trouués. Et au bas  
estoit signé, Georgius Handschius, medicus pragensis.  
Meilleurs les iuges, si vous aues si grād vouloir de me bro-  
quarder, vous vous deues plustost attacher à ceux, qui me  
l'ont appris, sous le bouclier desquels ie me targe, comme  
sous celuy daïax, & m'en sens si bien couuert, que ie ne  
crains point vos fleches, ie crains plustost, que la où vous  
m'aués voulu calumnier, que la columnie ne retourne con-  
tre vous, car ce que i'en fais, est pour le prouffit public.  
Voules vous que pour vn prouffit particulier de vous, ou  
de quelque apotichaire, ie laisse à manifester vne chose si  
excelente, & si prouffitabile, & que ie la raise, comme, estât  
de nulle valeur: voila combien vault auarice coniointe à  
enuie. Mais c'est assés de c'est endroit, il faut venir à la  
raison.

Ceux qui ont vituperé l'Antimoine ont deux raisons  
par lesquelles, ils veulent suader, de nen vser point: la pre-  
miere est, qu'on na point acoustumé d'en vser, & que c'est  
grande folie, de laisser les bonnes medecines, que nous ont  
laissé les anciens, bien experimentez, & quelles fussent,  
sans en aller chercher d'autres, desquelles lon na point en-  
cores veu l'experiéce, au moins bien peu. Et qu'il se vault  
mieux s'arrester, à ce que l'on congnoist, que à ce, que on  
ne congnoist point, l'autre est plus raisonnable ce leur sem-  
ble,



ble, & disent, que c'est vne mauaise drogue, & qu'il soit ain-  
si: quād on la fond avec du plomb, cela fait vne fumee mor-  
telle, tesmoin vn pauvre homme, qui faisant des caracteres  
pour imprimer, tomba en fieure, dont il est mort. Or ve-  
nons à la pmiere, ie demēderois volontiers s'ils congnois-  
sent bien les drogues, desquelles ils vsent tous les iours,  
s'ils les congnoissent, ce que ie ne confesse pas, comme ie  
diray tantost, ie leur concede la maieur, entant toutesfois,  
que l'on n'en trouueroit de milleures, que celles qui sont  
congneues de longue main. Et pour prouuer mon dire,  
ameneray ce que dit Galien au quatorziesme de sa me-  
thode. A l'homme, dit il: Qui sera prudent, & diligent, &  
ayant bon esprit, & bien exercité, la nature des choses luy  
monstrera suffisamment, ce qu'il deura faire. Et si dauentu-  
re, il trouue la voye, que vn autre aura baillee, il luy sera  
facile, par ceste voye aller plus outre, de ceci nous en auōs  
tresample tesmoignage des gēs doctes, qui par leur esprit  
ont illustré, & augmenté, l'art de medecine. Mais ceux  
qui ne sont gueres sages, ne trouueront iamais rien deux  
mesmes, voire s'ils voyent faire en toute leur vie, des ope-  
ratiōs infinies de medecine. Car tous les iours, & mesmes  
auourd'hui, se trouuēt des remedes nouveaux, que n'ont  
point congneu nos anciens: Voila comme Galien ne blas-  
me point, les medicamens trouués nouuellement. Il a esté  
le premier, qui a mis en lumiere la vraye methode de me-  
decine, qui auparauant estoit toute manquee, & deschiree  
hippocratés à la cure des dislocations, changea bien vne  
maniere de bandage, dont on auoit vsé long temps, deuant  
luy, & comme dit Galien, sur ce passage, vn medecin qui  
procedera par raison, nestimera gueres vne experience,  
qui n'est fondee en raison. Galien en son liure de la compo-  
sition des medicamens en general dit: que nul de ses pre-  
cepteurs, n'auoit entendu, la vraye methode de penser les  
playes des parties nerueuses, & qu'il estoit le premier, qui  
l'auoit

*Expérience sans  
raison n'est  
celle qui est  
conformée à raison.*



l'auoit mis en lumiere, & en vsage. Que luy pouuoient dire les medecins de son temps. Ne luy pouuoient il pas objecter, ce grand tiran, la coustume, comme dit le prouerbe & luy dire, comme on madit autresfois: nous n'auons pas à coustumé de vsfer ainsi. Mais laissons les vieux exemples, venôs aus nouueaux. Combien y a il que le Guaiac est congneu, & mis en vsage, l'vne des bonnes drogues que l'Indie enuoya iamaïs. Combien en a lon fait de cures tresexcellentes. Et principallemēt en maladies phlegmatiques, es quelles, les medecines ordinaires, & que nous auons en vsage, n'auoyent rien profite, & n'auoient donne aucun soulagement aux malades. Je scay que beaucoup de empiriques en ont abuse: ignorans son vray vsage, & au lieu de soulager leurs malades, les ont precipité en plus grandes calamités, voire iusques à les faire mourir. Mais faut il imputer cela au Guaiac? nō, ains, au medecin, qui en vse mal. Car comme dit Galien: il n'y a si bon medicamēt, qui ne nuise, s'il trouue homme, qui n'en puisse vsfer dextrement, & oportunemēt. La racine de la chyne, la felse perille, ont elles estes congneues des anciens? ie croy qu'il n'y a pas vingt ans, que on n'en auoit iamaïs parlē: & toutesfois on laisse les anciēnes medecines, & à lon recours à ceux cy comme à vne sacree ancre. En Italie, & beaucoup de lieux de France, ils vsent d'vng sirot violat laxatif, fait par beaucoup d'infusions de violes, & toutesfois nous n'en vsons point. Du sirot laxatif de fleurs de peschiers, nous n'auōs l'vsage. Est il pourtant deffendu, de le commander à faire, & d'en vsfer, veu que oul'vsage en est frequent, il est aussi congnu fort profitable. Combien y a il que lon comence de vler d'vñ electuaire, que lon nomme communemēt benedict, lequel beaucoup ont voulu reietter, pour ce, que lō n'auoit pas accoustumē d'en vsfer, & s'en sont mocqués à pleine bouche: Toutesfois apres auoir experimenté son effect, es maladies de cholere aduste, & melancholiques, l'ont

*Syrup de violes  
Laxatif.*



l'ont mis en vſage, & avec bon euenement, & ſoulage-  
ment des malades. Si eſt ce que quant il fuſt ptemieremēt  
diſpenſe, on n'auoit pas ceſte intention, qu'il fuſt ainſi di-  
uulgé. En pluſieurs lieux, on baille en maladie de peſte,  
du precipité. En fiebures quartes, du virriol, voire de  
l'huile faire du dit virriol, & avec grande alleuiation des  
malades, iacoit qu'ils ſoient nombres, entre les poisons,  
des anciens. Mais l'experience, que lon fait, reuele tous  
les iours des miracles, qui ont eſte incogneus. Et comme  
dit Therence l'experience, l'aage, & l'vſage, apportent tou-  
ſiours, quelque choſe denouueau, Il me faudroit faire vn li-  
ure entier, ſi ie voulois reciter les choſes, que tous les iours  
les medecins vigilans, non point pour leur bourse, mais  
pour le prouffit du peuple, trouuent, & mettent en lumie-  
re, oultre ce qu'ils trouuent es auteurs anciens, Il faut ve-  
nir à l'autre poinct, & diſcuster, ſi l'Antimoine eſt auſſi  
grande poiſon, comme ils diſent, & ſi la vapeur tue ainſi  
les hommes. I'ay preparé de l'Antimoine, i'ay pris par le  
nez, & par la bouche, de ceſte vapeur, & deux, outrois a-  
vec moy, mais nous n'en laiſſames iamais le boire, & le  
manger, & ne ſentis iamais douleur, ne de teſte, ne deſto-  
mach. Il eſt bien vray, que la diſpoſition du corps, peut  
eſtre telle, que la moindre occaſion, qui ſe preſente, peut  
ſuſciter & eſmouuoir les humeurs cachées au corps, & diſ-  
poſées à putrefactiō, & que l'homme en tombera en groſ-  
ſe maladie, voire aucunes fois mortele, comme il aduient  
ſouuēt en grande multitude de perſonnes, eſtans au ſoleil,  
aucuns en ſeront malades, les autres ne le ſeront point.  
De ceux qui travaillent fort, les vns en ſont plus ſains, les  
autres s'en retournent malades. Et en tel cas comme dit  
Galien au premier des differences des fiebures, il ne faut  
pas tant imputer la cauſe de telles maladies, à la premiere  
cauſe mouuante, que pluſtoſt on ne l'atribue, à la diſpoſi-  
tion, & preparation des corps, qui tombent en maladie.

D Autre-

*Le precipité eſt  
approuue de pluſieurs  
malades de peſte*





Autrement, dit, il: tous ceux qui seroyent trop long temps au soleil, seroyent malades. Et tous ceux qui seroyent en vn lieu, ou la peste regne, seroyent infectes dicelle, qui est vne chose contraire à la verité, & dont nous voyons tous les iours l'experience au contraire. Je pourrois alleguer, ce que i'ay veu, depuis que suis en ceste ville. Quelqu'un craignant de tomber en nephritique, print vn bolus de casse, dōt son ventre s'esmeut fort, de la il tōba en fiebure, qui le mena à la mort. Est ce à dire que la casse l'auoit tue? et estoit veneneuse, & que pour cela, on n'en d'eust plus vser? L'ay veu vne dame, qui pour vne fiebure double tierce, prist de la rheubarbe, avec de le lectuaire de succo rosarum, qui en tomba en fiebure hectique, & en mourut à la fin, à cause de la grande chaleur, & secheresse de l'orifice de son estomach, qui estoit la source, & miniere de sa fiebure. L'en pourrois alleguer dix mille autres, n'estoit que ie crains prolixite. Or si c'est homme, dont est question, qui comme i'ay entendu, estoit replet, & subiect à sa bouche, & preparé de tomber en ceste fiebure, dont il est mort, & que estant le cerueau, eschauffé de ceste vapeur, rempli d'humeurs, ait laissé distiller quantite de matiere crue, sur les poulmons, aussi eschauffes, & desseches par mesme maniere, luy ait causé comme vne suffocation, faut il, pour cela dire: que la vapeur de l'Antimoine en soit cause? que ne regardes vous plustost au plōb, qui estoit fondu avec luy, lequel communement ceux qui se meslent des metaux, appellent metal ladre, pour son infection, & imperfection de son eau & terre, mal conioints ensemble. Et pour cela est reputé entre les poisons. Mais il ne vous faisoit point de mal, il n'y auoit que le pauvre Antimoine à qui vous en voulies. Considerés, s'il vous plaist, la nature du plomb, & route affection delaissee, examinons de pres ses effects, & puis nous iugerons facilement, lequel des deux est à blâmer, & à qui, nous debuons plustost referer la cause de la mort.



mort. Pline en son 3.4. liure dit, que quant on brusle le  
plōb, cependant qu'il est sur le feu, on se doibt bien estou-  
per le nes, autrement on sentira la fumee, qui sort, du for-  
neau, estre fort dangereuse, & pestilente. Dioscoride dit:  
que quand on veut tirer le plomb brulé, on se doibt bou-  
cher le nes, autrement vous congnoistrés, que la vapeur  
du plomb, est fort dangereuse. Albert le grād en son liure  
des mineraux, parlant du plomb, dit: que le plomb mis sur  
le corps, peut engendrer paralyfie. Or Dioscoride & Pli-  
ne, parlans de la brulure. & calcination du stimmi ou An-  
timoine, ne nous dōnent point ces aduertissemens, cōme-  
ils font du plomb. C'est donc bien signe, que la fumee n'est  
point pestilente, ne nuisible, comme celle du plomb, ou  
qu'ils ne l'ont pas si bien entendu que vous. Aussi voyons  
nous communement, que tous ceux, qui se meslent de  
plomberie, tombent ou en paralyfie, comme i'ay veu so-  
uventes fois, ou en debilité de cerueau, & tremblement de  
corps. Regardés à ceste heure (Messieurs) qui aués esté si  
prompts, à calumnier ce pauvre Antimoine. Si aués eu  
occasion de ce faire, & vous vanter, comme aués fait, de  
le descrire si fort, que vous en feriez oublier la memoire.  
Car il n'y a maison notable en ceste ville, ou du premier  
coup, on ne m'ait incontinant gette cela au visage. Ne me  
apportes point vostre Antimoine. Car c'est vne poison.  
Pleust à Dieu que les malades n'en prissent iamais de  
plus grande, & que messieurs les calumniateurs, sceuf-  
sent aussi bien pourueoir aus drogues, dont on vse ordina-  
irement pour les malades, quelles ne fussent adulterées,  
comme ils ont esté prompts à mal parler de cecy, & à me  
blasmer, mais i'espere, au plaisir de Dieu, que ie metray  
la verite si clere, & que l'vsage en sera si proffitable, que à  
la fin, on congnoistra, qu'ils m'ont plustost brasse ceste ca-  
lumnie, par vne enuie, ou malice, que pour vng bon zele,  
qu'ils auroient à la republique. Et affin qu'ils n'ayent occa-  
sion,

D ij

sion.

*C'est vne poison  
communement aduene  
une poison estant  
qui mesle le plomb  
dans le sang.*



na  
sion de se plaindre de moy, ie leur concede, que dedans  
l'Antimoine, il y ait vne substance pernicieuse, laquelle on  
apperçoit, quant elle est suscitée par le feu, en la fondant.  
Considerés vng peu mes amis, si on le baille, avec ceste sub  
stance. Si vous auies regarde le commentaire de Mathio  
lus, vous pourriés veoir qu'il veut qu'il soit tant brasse sur  
le feu, & tellement calciné, que la pouldre gettee sur du  
fer chaut, où charbon ardent, ne rende aucune fumee, qui  
est le signe de l'extreme secheresse, & que le feu la reduit  
en la premiere terre. Encores on n'est pas cōtēt de cela, on  
luy baille outre d'autres purgatiōs. Vous aues donc grand  
tort de crier, que telle substance pernicieuse y est encores,  
quant ont le baille, pour medecine laxative. Et ceste pur  
gation par le feu, vous d'eust suffire, & vous estoupper la  
bouche. Car comme dit virgile, tout vice se cuist par le feu,  
& toute humeur inutile & mauuaise se exhale, & Galien  
au liure de theriaca dit, que beaucoup de choses inutiles, &  
mauuaises sont rendues vtils, & profitables par le moyen  
du feu, & mostrent leur vertu manifestement, qui au par  
auant estoit cachee en elles. I a il chose plus veneneuse  
que le vipere, & toutesfois par le feu on oste sa venenosité  
& le rend ont profitable pour le corps humain. Si donc  
vous aues leu ceste preparation, & cries encores, ie ne scay  
comme ie vous dois appeler, sinon vrais refractaires, &  
ennemis de verité. Si vous ne laues veu:raises vous, iusques  
a ce que l'ayes leu, & entendu, autrement seres appeles  
legiers, & temeraires de reprendre, ce que ne scaues. Mais  
vous me direz pour le reduire en corps, vous y adioustez  
du Borax qui est vne drogue pernicieuse. Ie vous respond  
à cela: que vous estes en mesme ignorance, que deuant.

Car ce qui entre en la composition du borax, n'a aucune  
approche, ne simbolisation avec chose veneneuse: Et vous  
*Si ne le borax n'est* feray Iuges, si vous me voules prester voz oreilles  
*et oste veneneuse* iustes. Le borax, duquel on vse a ceste heure, est artificiel:  
Celuy



Celuy des anciens quilz appelloient Chrysocolle, estoit naturel Mais l'usage en est aboli, & y a autant de difference entre cestui-cy, duquel nous vsons: & le naturel comme entre vn Caillon & vn voirre.

Or cestui-ci dont nous vsons, est fait de nitre fossile, qui est vne espece de pierre asses luisante, approchant de la nature du sel, toutesfois plus aigue & tirant sur l'amertume: lequel est aussi de deux especes, l'un naturel, & l'autre est artificiel. Du naturel se fait le borax, toutesfois bien laué, & bien desgressé, puis trempé en eue & lait de cheure, ou de vache, puis quand il a perdu toute sa salitude: on le met par quarante iours, ou plus avec huile d'amendes douces, & de la moelle de bœuf, au soleil. Tellement qu'il se reduit en la forme, comme nous le voyons. Si le nitre estoit veneneus, galien ne le commenderoit à prendre dedans le corps, pour dissequer, & extenuer les humeurs espais & visqueuses, qui sont en l'estomach. Aussi ceux de Macedoine n'en vseroient en leur pain au lieu de sel. Ce que tesmoigne hermolau barbarus, sur le commentaire de dioscoride. I'ay leu en belon, que encores à present, l'usage en est frequent en la grece, & l'appellent notron. Virgile aussi n'approueroit pas la maniere des laboureurs de son temps, qui voulans semer bonnes semences, & principalement les febues, les faisoient tremper avec du nitre, & de leue, affin que leur grain en fust plus beau, & gros. Ce que approuue Columel au second de son liure dagriculture, allegant ledit Virgile. Je croy que tels gens n'estoient si despourueus de sens, de conseiller, faire tremper des febues, pour manger, avec vne chose qui seroit perniciense. I'en pourrois alleguer d'autres autorités, Si ie ne craignois prolixité. Puis dont qu'il n'y a nulle chose en ceste composition de Borax, qui sente sa venenosité, comme vous mesmes poués iuger. Je vous prie n'estre plus si prompts, a detracter d'une chose, delaquelle ne sca-

*Le borax artificiel  
comme le est fait.*

*na*



*Si tantum quod  
est medicamentum  
benignum & gratum  
non violentum*

ues la nature, ne la composition. Mais venons au point, d'autant que nous le faisons medecine laxative. Est il des medecines benignes, où des violentes. Car là est nostre but. Et pour plus grande declaration nous dirons qui sont les medicamens benigns, & qui sont les medicamens violents & que cest que medicament.

Tout ainsi, que nous appelons nutriment, ce qui à grande similitude à nostre corps, & qui facilement se conuertist par la mutation, que fait nostre chaleur naturelle en nourrissement. Aussi nous appelons medicament, Ce qui resiste à nature, & ne peut estre conuertti en nourrissement bon, & l'ouable. Les grecs ont ce mot pharmacon, sous lequel ils comprennent, tant les medicamens, que les poisons. Mais les latins en font deux, c'est assavoir medicamentum, & venenum. Par ce que ce mot venenum est equivoque pour le bon & mauuais venim, selonc les iuriscultes, marcellus, cayus, & vlpian, qui disent que c'est vocabulum medium, toutesfois le plus souuent se prend en mauuaise part selonc alciar. Et galien au 3. des temperamentis les confond tous deux, & les diuise en quatre especes, la premiere est de ceux, qui demeurent dedans le corps, comme ils ont esté pris, & le surmontent, & muent sa nature, tout ainsi, que le corps mue en sa nature, son vray nourrissement. Et tels medicamens sont veneneus, & de toute leur substance ennemis de nature. Car ils la corrompent & gastent, comme sont les poisons froides, comme est le ius de cicute, le suc du pauot, dit opium, & le ius appelle meconium, & d'autres aussi d'une froidure extreme. Car en quelque maniere que les baillés dedans le corps de la personne, ils ne peuvent estre mués, & alterés par la chaleur naturelle. Mais demeurent tels, qu'ils ont esté baillés, c'est à dire en pareille frigidité. La seconde est de ceus qui prennent le commencement de leur mutation du corps, auquel ils sont entrés: puis se pourrissent, & se corrompent, &

par

*Medicamentum  
est pharmacon*



par consequent, corrompent la substance du corps, par  
erosion, putrefaction, où colliquation. Et tels sont aussi du  
tout contraires à nostre nature, que les grecs appellent  
deleteria, & sont de deux especes. Les vns, sont d'une sub-  
stance terrestre, & espaisse, qui tant plus demeurent de-  
dans le corps, plus ils augmentent leur force, & corrup-  
tion, comme est l'arsenic, le sublimé, & autres de leur qua-  
lité. Les autres sont d'une substance plus subtile, & tels  
ne tuent pas toujours, Car ils peuvent estre enuoiés par  
nature, avec les excremens, ou bien si d'auenture ils trou-  
uent vn bon medecin, qui leur ordonne viandes contrai-  
res à tels venins, où bien medicamens pour les tirer hors  
du corps, ils ne feront aucun dommage: comme sont les  
cantharides & autres, La tierce maniere des medicamens,  
est, de ceus, qui muent le corps en chaleur, mais ils ne luy  
font autre dommage, comme est le poyure l'absinthe &  
d'autres semblables. La quatrieme est de ceus, qui alte-  
rent nature, & la muent en leur qualité, mais à la fin, ils  
sont surmontez d'icelle, & sont mués en nourrissement:  
comme est la lactue, le pourpié, la cichoree & d'autres,  
qui nous seruent de medicamens, & de nourriture. Or nos  
medicamens laxatifs, tant plus ils sont eslongnez de no-  
stre nature, plus ils sont vitieus, & corrompent le corps.  
Et tant plus ils en approchent, moins ils sont dangereux.  
Tout ainsi que entre les viandes, les vnes sont plustost con-  
uerties en sang, & fortifient le corps, les autres en sont  
plus eslongnees, & donnent plus de travail à la chaleur na-  
turelle, à les conuertir en nourrissement. Ainsi est ce, des  
medicamens, car les vns sont plus eslongnez de nostre na-  
ture, & ont vne excessiue qualité, qui corrompt le corps,  
auquel ils entrent, comme est leuphorbe, la scammonée,  
le turbith, l'ellebore, & autres tels: lesquels, toutesfois  
comme dit galien au 3. de temperamentis, peuvent aider,  
quant ils sont mis avec leur correctifs, & autres medeci-  
nes,

*La chaleur & putrefaction  
des fibres du corps  
Le sang & fait plus de  
chaleur au corps &  
plus de augmentation  
de la force.*



nes, qui leur peuuent mitiger ceste excessiue intempera-  
ture. Iacoit que quelque chose que on leur puisse adiouter  
ils retiennent tousiours de leur premiere nature, & cor-  
ruption naturele, toutesfois ils passent avec les humeurs,  
qu'ils attirent, par les boyaus. Et iacoit qu'ils facent quel-  
que lesion, toutesfois ils ne tuent pas. Parquoy, le les mets  
sous la seconde maniere, & à la seconde espece diceus. Il  
en y a d'autres, que nous appelons medicamens purgatifs  
benins, comme est la casse, les tamarins, la reubarbe, les  
myrabolans, lesquels approchent plus pres de nostre natu-  
re, & nont si violente operation. Et iacoit qu'ils eschauffent  
nostre corps d'une chaleur estrange, si est-ce, qu'ils ne don-  
nent pas telle lesion au corps, comme les premiers. Mo-  
yennant qu'ils soient dōnez en iuste quantite, & au temps  
conuenable, & selon l'exigence de la maladie, & encores  
avec medicamens, qui confortent nature. Car tous medi-  
camens de quelque qualite qu'ils soient, sont tousiours  
ennemis de nature. Toutesfois les vns moins, les autres  
plus. Et ceus-ci, nous les mettrons au troisieme reng des  
medicamens. Le vous demande à ceste heure? en quel reng  
mettrons nous nostre antimoine? le scay bien, que comme  
auez accoustumé d'en parler, assez sinistrement, le mettres  
au premier reng, C'est assauoir au reng des medicamens  
violens. Car ce dira vn censeur avec son front refroigné.  
C'est bien vn medicament violent, d'autant qu'il subuertist  
l'estomach, & fait vomir humeurs de plusieurs conleurs  
Ce qui est contraire à nature, d'autant quelle n'a pas or-  
donné le stomach, pour la purgation des humeurs, mais les  
boyaus. Or est il que tout medicamēt, qui ainsi corrompt,  
& subuertist l'estomach, est violent. Donc est à iuger, que  
l'antimoine est vn medicament violent, pour telle action.  
A cela ie respon & concede, que tout vomir, qui se fait  
par medicament laxatif, est du tout contraire à nature.  
Aussi est la deiection qui se fait par les boyaus, d'autant  
que



que nature surmontée par la vertu attractive du medica-  
ment, est contrainte de luy bailler ce qu'il luy demande,  
& l'atire. Autrement ne seroit pas médicament, s'il ne la  
surmontoit, & luy tiroit par force, les humeurs, lesquels il  
attire par la propriété de sa substance. Dont vient que Hip-  
pocrates en son liure de la maniere de viure es maladies  
aigues, veut, que apres le médicament baillé, on laue l'es-  
tomach, de prisane, afin comme dit Galien, que l'on le  
descharge, non seulement de la qualité, mais de quel-  
que portion du médicament, qui luy pourroit estre demeu-  
re au dedans, en passant par icelluy. Et s'il aduenoit, qu'il  
ne trouuast l'humeur propre pour attiter, il succe le sang,  
& les membres carniformes, desquels il attire la propre  
humidité, qui est dispersée en icelles, de laquelle elles se  
nourrissent. Comme tesmoigne Galien au commentai-  
re du 37. Aphorif. du 2. liure dont sensuit vne grande de-  
bilité. Et à ce que vous dites, que le vomir est vne action  
du tout contraire a nature, le le nie. Car si nous conside-  
rons la composition de l'estomach ou ventricule, Nous  
trouuerons qu'il est compose de d'eux tuniques. Lune est  
interne & l'autre externe. l'interne est composée de fibres,  
ou filamens, droits. Par lesquels, Il attire, ce qui luy est  
conuenable, & qui luy plaist. L'autre est composée de fi-  
lamens transuersaux, par lesquels, il comprime la substan-  
ce de l'estomach, Et reiete, ce qui luy est nuisible, ou su-  
perflu. Si les parties hautes sont fortes, & les parties bas-  
ses foibles, il fera sa deiection, & expulsion, par les boyaux,  
ou bien si les parties basses sont fortes, & les parties hau-  
tes foibles, se fera le vomir, voire naturellement; Car vn  
chascun membre organique, comme dit galien au liure  
des natureles facultes, à quatre vertus, lune d'attirer ce  
qui luy est propre, l'autre de le retenir, & la troisième de  
le cuire, & le faire semblable a soy. Et la quatriésme de  
reietter, ce qui luy est superflu, & nuisible. Parquoy nous  
E voions

*Le plus pour la garder  
après auoir proué  
qu'il n'est pas per-  
dus après qu'il  
est bue par le  
ventre*

*Le plus pour la garder  
après qu'il est proué  
qu'il n'est pas per-  
dus*



voyons par experience, & à l'œil, que quand l'estomach  
contiēt en soy quelque chose qui le mort, & le point ou luy  
poise, pour la multitude, qu'il s'efforce de le reietter, soit  
par vomir, ou par les intestins, & de là s'engendrent les  
dyssenteries, & dyarrhies, les coleres, & vomissemens  
superflus. Car souuentefois nature se purge aussi bien par  
le vomir, comme par les intestins, & sans medecine laxa-  
tiue, comme nous voyons le plus souuent en fiebres tier-  
ces, & autres, esquelles nature de son propre mouuement  
se descharge par le vomir de l'humeur qui luy cause la  
fiebre. / Parquoy ne faut pas dire, que le vomir soit vne  
action contre nature, principalement, quand de soy-mes-  
me, & estant bien reiglee, elle le pronoque. Car il pro-  
cede de l'action de la seconde tunique de l'estomach, la-  
quelle le serre, pour faire l'expulsion des choses qui luy  
sont contraires. De quoy Galien au commentaire du vingt  
vniesme aphorisme, du premier liure. Nous en baille vng  
exemple familier, disant ainsi: quand le foye est agraué  
d'humeurs, lesquelles il veut reietter, il a d'eux mouue-  
mens à luy propres: Le premier se fait par l'estomach, &  
de là par les boyaux, l'autre se fait par le vomir, qui est le  
meilleur. Le second se fait par les roignons, ou par la ves-  
sie. Voilà comme il prefere le vomir, à la deiection, qui  
se fait par les boyaux. Je sçay bien que selon l'humeur per-  
çante, l'un est à preferer à l'autre. Car quand c'est vng hu-  
meur melancholique: nature l'enuoye plustost par les  
boyaux, que par le vomir. Aussi si c'est vng humeur chole-  
rique, qui de sa nature tend en haut pour sa legiereté: el-  
le sera plus commodement enuoyé par vomir, que par les  
boyaux. laçoit que nous voyons aucunesfois, quand il y a  
grand, quantité de telle humeur, dedans le corps que na-  
ture l'enuoye par l'une, & l'autre voye. Et principalement  
telle euacuation est bonne, & salutaire, quand elle vient  
apres signes decoction, & que nature a surmonté l'hu-  
meur,

*Toute auar nature  
qui se fait avec peine  
de son corps est bonne.*



meur, qui faisoit la maladie, en separant le bon d'avec le mauvais. Car par telle euacuation, la santé du malade procede, & la maladie s'en va. Autrement, si elle vient avant telle coction, cela argue plustost où la malice de l'humeur, qui irrite nature, à la chasser deuant le temps, où la trop grande quantité, où bien l'imbecilité de nature. Et telles maladies sont fort suspectes aux medecins, & de difficile iugement. Et à ce que vous dictes, que tous medicamens, qui prouoquent le vomir sont violents, ie vous respondray, que aucunes fois vn medicament, que nous aurons ordonne, pour purger par les boyaux, prouoquera le vomir, & sera vomitoire, tant à cause du medicament, que à cause de la disposition de l'estomach du malade. Car quand le medicament adhère plus à l'orifice de l'estomach, & que là il attire l'humeur, qui de sa nature est legiere, comme auons dit de la cholere, certainement il prouoquera plustost le vomir, que la purgation par le bas. Où bien, s'il est trop violent, & qu'il agite fort l'estomach, où bien qu'il est trop desplaisant à la bouche, & à l'estomach, incontinent il esmeut plustost le vomir, que l'autre purgation. Tout ainsi que si sommes contrains de prendre vne viande, qui nous est en horreur, où de laquelle le goust est facheux, l'estomach le plus souuent ne le peut endurer. Mais l'enuoye incontinent par le vomir. Combien de fois auons nous baillé de medicines benines à beaucoup, qui les ont en horreur que seulement à les voir, ont reietté tout ce qu'ils auoyent en l'estomach. Où bien, si par force ils l'aualloient, en peu d'heure la rendoyent par la bouche. La disposition aussi de l'estomach y aide bien. Car ceux qui ont l'estomach debile, où ceux qui ont la matiere fecale cuite, & dessechee dedans les boyaux, & retenue de long temps, où bien quand y a dans les boyaux, quantité de ventosités, lesquelles esleuent l'estomach, où bien quand quelque mouuement d'e-

E ij spirit

*Lib. de Symp. Caus.*

*Causa extorrens  
qui facit le Vomir.*

*Causa Lib.*



spérit les surprend , cependant qu'ils auront le medica-  
ment dedans l'estomach , où bien qu'il sentent quelque  
puenteur, ou voyent quelque chose , qui leur face horreur,  
le plus souvent ils vomiront , tout ce qu'ils auront en l'e-  
stomach. Iay autresfois veu vng personnage , lequel apres  
auoir pris vne medicine laxatiue , voulant aller à la scelle,  
rendit toute sa medicine par la bouche , pour auoir veu le  
bassin de la chaire ord , & mal net. I'en dirois d'autres  
exemples, S'il en estoit plus grand besoin. Puis donc, qu'il  
peut aduenir , que l'estomach irrité de quelque humeur  
qui le point , ou par sa debilité , ou par sa nature , se peut  
descharger par le vomir , voire aucunesfois sans medica-  
ment, Il ne faut pas dire, que l'Antimoine soit violent,  
pource qu'il fait vomir. Car cela peut aduenir aux plus  
benins medicamens , que l'on puisse bailler , si les condi-  
tions que nous auons dit ci dessus, y concurrent. Et s'il ad-  
uient, que le foye se dechargent , de ses humeurs corrom-  
pues , qu'il a, tant en sa substance , que es veines qui sont  
sous luy: les enuoye dedans l'estomach, lesquelles irritan-  
tes l'orifice de l'estomach le prouoquent à vomir , Ce n'est  
pas adire, que l'Antimoine qui fait ceste action, soit violent.  
Car vous scaues Messieurs que tels , medicamens violentz  
sont d'une qualité fort chaude, laquelle mōstre incontīnēt  
la chaleur dedās le corps, quād nostre chaleur luy aura dō-  
né commencement d'action mesmes si les tenés en la bou-  
che, incontīnēt ils l'a vous eschaufferont. Mais cestuy-ci,  
ne le fait pas. Car tenes le en la bouche vne heure. Il vous  
eschauffera au tant, comme si y teniés vn caillou. D'auan-  
tage Mesuē, pour discerner de l'vng, & de l'autre, commā-  
de quel'on regarde a la saueur , & goust du medicament.  
Car selon icelluy, nous en pouons iuger de sa bonté , Ou  
de là malice. Car il dit, que ceux, qui sont seulement acres  
& forts , comme est leuphorbe , & le mezeleon , ils sont  
plus malins , que ceux , qui sont simplement amers , com-  
me

*Tout med. violent  
est violent & actif  
par la chaleur naturelle*



me est la colocynthe, & elaterium, qui est fait du ius de  
Concombres sauvages. Ceux qui sont acres, & styptiques,  
comme est le thimum, & epithimum, sont plus benins,  
encores que les autres & beaucoup plus ceux, qui sont  
amers, & styptiques, comme est la Reubarbe, la fume-  
terre, & aloë. Brief, tant plus le médicament est eslongne  
de la qualité acre, & amere, tant plus il est bening, & fa-  
milier à nature. Et si d'auenture, Il a les d'eux qualites,  
C'est assauoir, acre & amer, Et que la qualité styptique, les  
surmonte, tant plus familier, & bening est icelluy medica-  
ment. Car là stypticite, rend tous medicamens plus benins,  
& plus salubres, & de moindre nuisance. Or nous auôs dit,  
cy dessus que tous les auteurs, qui parlent de l'Antimoi-  
ne, luy donnent ceste stypticité, qui est le propre de sa sub-  
stance terrestre, & laquelle il ne peut perdre, par la cuif-  
son, & calcination. Car elle luy est naturelle, & intrinse-  
que, & pource la retient-il, tant qu'il y ait matiere terre-  
stre en luy? Delacritude s'il en a à cause de sa calcination,  
& de la brulure, retenant encores la force du feu, que les  
grecs appellent empyreuma qui peut retenir de sa calci-  
nation, elle est bien petite comme peuuent tesmoigner  
ceux, qui en ont vſe. Aussi le médicament acre, en flam-  
me, mord, poing, & vlcere les boyaux, brulle, & en-  
gendre soif, & à autres propriétés, que declare Me-  
sué. Je puis tesmoigner, Car i'en ay pris, que ie n'en ay  
senti aucune chaleur, dedans mon estomach. Et iacoit  
que ieusse vomy, Toutesfois ie n'en ay eu aucune dissolu-  
tion d'estomach, non pas soif. Ceux, à qui i'en ay baillé,  
m'en ont autant dit. Regardes donc puis qu'il ne peut  
estre au renc des violentz s'il sera au lieu des benings,  
desquels, nous en trouuons de trois sortes les vns pur-  
gent en comprimant, comme est la Reubarbe, la loë, &  
les mirabolans, & sont dictz benings, pource, que apres  
auoir fait leur operation, ils reconforterent, les parties,

E iij

par

*Si l'antimoine est  
du nombre des purgans  
ou benings?*



par où, ils sont passés, les autres en lenissent les voyes, par  
lesquelles passent les excremens, comme est la casse, les  
prunes, & sebestes. Les autres en lubriquant, comme  
est le mucilage de Psillium. Mais vous me demanderez,  
avant que iuger, pourquoy il est laxatif? veu que ne luy  
trouués aucune chaleur estrange, ne aucune saueur, ne  
odeur, que nous trouuons és autres. Car quasi tous, sont  
de si mauuais goust, de si mauuaise odeur, que quelque me-  
dicamens odorans, & de bon goust, que nous leurs puis-  
sions adiouster, Touresfois sont si detestibles, & abhorés  
aux malades, qu'ils aiment quasi mieux endurer d'avan-  
tage, que d'en prendre. Aucuns contrains d'en prendre,  
ont eu apres, vne horreur, & vne langueur d'estomach, tel-  
le, que tout ce qu'ils voyent, & sentent ils pensent que  
ce soit medecine. Cestuy-ci n'a ne mauuais goust, ne mau-  
uaise odeur, n'inflamme point le corps. Nous ne pouuons  
donc, entendre, par quelle vertu, il a ceste faculté laxa-  
tine, & si soudaine. Je prendray pour faire m'a demonstra-  
tion, & preuue, de ceci quoy qu'on en vueille rire, & mo-  
quer. Ce qu'on ne peut faire, si ce n'est en m'esprisant, &  
desdaignant les chefs, & Auteurs principaux, de la me-  
decine, Galien dit au liure de ses simples, que aucuns ont  
leur faculté des premieres qualités, C'est assauoir selon  
qu'ils sont chauds, froids, secs & humides, & selon les  
qualités qui en dependent, les autres selon vne propriété  
de toute leur substance. Or i'entens par ceste propriété de  
toute leur substance vne faculté, qui resulte, non point pour  
la permixtion des quatries premieres qualités, Mais d'vne  
ne certaine, & de finie temperature, & vnion de ses par-  
ties simples. Car Dieu à donne à toutes choses, vne cer-  
taine, & peculiére mixtion, & forme, par laquelle elles  
ont vne certaine operation, & action. Ce que Galien ap-  
pelle au premier liure des naturelles facultés, similitude  
de toute leur substance. Quand il dit, que les medicamens  
attirent

*Pourquoy l'autre  
est laxatif*

*car c'est  
pour la  
substance*



attirent à soy l'humeur familier, pour vne similitude de toute leur substance. Ce n'est pas à dire que l'humeur attiré ressemble au médicament, qui le tire. Car la melancholie attirée par la pierre de lazur, n'a nulle similitude avec elle: Et ainsi des autres & si on me veut dire, que la Reubarbe attire la cholere, pource quelle luy ressemble, il y a vingt racines plus iaunes que la Reubarbe, qui ne l'attirent pas. Mais nous entendons par ceste similitude, de toute leur substance, vne action à eux propre, resultante de leur premiere permixtion, & forme de leur substance par laquelle, ils font telle action. Laquelle, le plus souvent, ne se congnoist, que par experience, & dont la raison ne peut estre baillée. Comme Galien mesme dit, qu'il ne sauroit rendre raison, Pourquoi vne pierre mise en vne playe, qui seigne, & que l'on ne peut estancher, incontinant supprime, & arreste le sang. Pourquoi les chancres de Riuiere, ont telle faculté, sur la morsure d'un chien enragé desquels vsoit Aeschion precepteur de Galien, empyrique toutesfois, dont Galien parle ainsi: La Cendre des chancres de Riuiere, iacoit quelle soit dessiccative, comme les autres, Toutesfois elle a vng merueilleux effect, par vne propriété de sa substance, à ceux, qui sont mors d'un chien enragé. Et auoit promis Galien de faire vng liure, de tels medicamens, qui besongnent par telle propriété de substance. A quoy s'acorde Platon, quand il dit, que nature a donné certaines propriétés à toutes choses, par lesquelles, elles oeurent, ce qui leur est propre, à raison de la nature de leur forme & mouuement naturel. Car nulle chose ne peut operer, sinon ce q leur propre forme excite, & cōduit. Et telle propriété de substance, est appelée d'aucuns, forme spécifique, des autres qualité occulte. Mesuë l'appelle vertu celeste. Aucunesfois Galien l'appelle faculté diuine, comme au liure de Theriaca. Et afin que ce q i'ay dit soit plus manifeste. Je vous amene à la cōsiderat

*Similitude de  
la substance & la nature  
des médicaments par  
leur operation.*

*Ma*

*La nature de la pierre  
de Riuiere qui est  
la morsure de  
un chien enragé.*

*Axiome.*



deration des membres de nostre corps. Considerés que tous les membres organiques, ont vne substance, à eux propre, toute differente des autres, par laquelle leur action est faicte. Regardez la substance du foye, la substance du cœur, du cerueau, de l'oeil, des roignons, de la rate des poulmons ils ont tous, vne substance, à eux propre, par laquelle aussi, vng chascun à vne action a soy propre, & nō commune aux autres. Le foye a faire le sang, le cerueau l'esprit animal, & le mouuement, & sentiment, le cœur l'esprit vital, & le mouuement des arteres. La rate à attirer l'humeur melancholique, l'œil a Regarder, & ainsi des autres. Et telle action comme dit Galien au liure de placitis, platonis, & hippocratis, & de temperamentis, ne despend que de ceste propriété de substance, & non des premieres qualitez. Qui rendra raison? comme le scorpion defaut de la force, & vie, quant il a touche l'herbe, qu'on nomme aconitum? si incontinent il ne se range à l'ellebore? lequel le viuifie, comme les excremens de l'homme, viuifient les pantheres, quant elles ont mangé de la chair, meslée avec le dit aconitum. Or s'il est ainsi, que Dieu en nostre nature nous a baillé, & à tous animaux aussi, des membres, qui font vne action propre, par telle propriété de substance, pourquoy n'en estimerons nous le pareil, aux herbes? pierres, racines, fruits, & autres tels simples, comme aux membres du corps. Nous voyons par experience, & à l'œil le fait admirable des medecines, desquelles nous vsons tous les iours, comme pour si petite quantite, que nous baillons, nous attirons du corps des malades, si grande quantité d'humeurs peccantes. N'est-ce pas vne action plus diuine, que elementaire? Et de laquelle nous deburons fort esbahir? Que dirōs nous de l'herbe dicte trifolium? de laquelle parle Galien au liure de theriaca laquelle boullie en eau & appliquée sur la partie de l'homme que le serpent aura mors luy oustera la douleur & la

conuer

na. #



conuertira mais si elle est appliquée sur vne autre partie  
qui n'est point blessée elle luy engendrera pareilles dou-  
leurs & accidens qui prouiennent par la morsure du ser-  
pent ce que Galien estime à grand miracle qu'une mesme  
herbe guerisse le mal & l'engendre. Toutesfois si nous  
considerons le dit de Dioscoride, duquel Galien la pris: il  
dit bien, qu'il guerit la morsure du serpent mais si vng qui  
a vng vlcere, applique ceste eue, laquelle a esté appliquée  
sur la playe du serpent, il tombera en pereils dangiers, com-  
me celuy, qui auroit esté mors d'un vipere qui est vne  
chose de grand admiration. Parquoy non sans cause He-  
rophilus, appelloit telles vertus, les mains des dieux, voyās  
que cela, ne venoit de nulle permixtion elementaire. Mais  
par vne vertu admirable, & diuine. Autant en puis ie di-  
re de l'Antimoine le quel fait son operation, par vne pro-  
prieté de toute sa substance. Et par vne vertu admirable,  
& diuine, car ie n'ay vse iamais de medicament, qu'avec  
moins de tourment de ventre, ou de corps, feist son op-  
eration, si soudaine, comme ie monstrey cy apres, ap-  
prouuant mon dire par experience. Puis donc que nous  
auons monstré, par bonnes raisons, que l'Antimoine n'est  
point poison, comme auez semé, regardons, & examinons,  
si on n'e baille point tous les iours, de plus violens medi-  
camens, & plus abhorrent à nature, que luy. Et exami-  
nons la chose, par iuste iugement, toute mauuaise affe-  
ction ostée, & tout mal talent. Iameneray icy pour le pre-  
mier, la scammonée preparée, que nous appellons diagre-  
de. Car c'est celle qui court quasi en toutes medecines la-  
xatives, & en est le fondement. Dites si celle de laquelle  
on vse, est telle comme dit Dioscoride, le quel veut, que  
la bonne scammonée, soit legiere, nette, claire comme  
gomme, comme dit Mesué: ou comme dit Dioscoride,  
claire comme colle de taureau. Reluisent nette, deliée,  
pleine de petiz pertuis, & fistules, tendre, friable, & fa-  
cile

*M. d. ta  
ant meum deoz sum.*

*La bonne scammonée  
guise avec du vin.*





cile à mettre en poudre legiere, & d'affés bon odeur. Et ne se faut fier, si en la touchant de la langue, elle rend vng suc blanc, comme laiët, car cela est signe, qu'elle est falsifiée, & contrefaïcte, de farine de ers, dit eruum en latin & avec lait de tithimalle, que nous appellös espurge. Et comme dit Mesué, d'autant, qu'elle sera eslongnée de ces signes, d'autant sera elle plus mauuaise, & perniciëuse, Iugés maintenant, si celle, dont on vse, à tels signes, & marques de bonté, qu'escriuent Dioscoride & Mesué. Si vous voulés dire la verité, & confesser la chose comme elle est, ne vous ne moy, n'e veismes iamais. Et celle, de laquelle nous vsons, est toute falsifiée. sa violence le mōstre asses: Toutesfois posé le cas, qu'elle soit bōne, & legitime, regardez qu'e dit Mesué, & qu'elles louāges y luy baille. Par la propriété de sa substance elle blece le cœur: Le ventricule, que nous appellons l'estomach, & le foye, esquels resident les fontaines des facultés, qui nous nourrissent, & gouvernent. Je n'ay pas songé cela: Je ne le dis pas sans autorité, & raison. Je ne me vente, point, d'en faire oublier la memoire. Regardons encores plus outre, que dit Mesué. Il blece le cœur, l'estomach, le foye, les intestins, & les autres membres interieurs. Il subuertist l'estomach, ouste l'appetit, engēdre vouloir de vomir, & soif. Il est, dit-il, d'auantage, fort nuisible à nostre corps. Car il subuertist l'estomach, par flatuosités mordicantes, & le prouoque à vomir. Il allume le corps d'une vehemente chaleur. Tellement qu'il engendre fiebure, si le corps y est disposé: & soif inextinguible il engendre des douleurs poignantes aux membres interieurs, il escorche les boyaux, par sa violence, & engendre dyssenteries, ou tenesmes. Or si la vraye, & naturelle scammonée, fait tant de violence au corps, que peut faire celle, qui est contrefaïtte, & mauuaise, ie scay bien que Mesué, donne les moyens pour la corriger, mais aussi ie respondray, qu'on la



la corrige tant que lon voudra, puis que par la propriété de sa substance elle est si nuisible au corps, Vous ne me scauries feire à croire, que vous en puissiez faire, vn bon potage. Vng singe sera tousiours singe & fust il vestu de pourpre, comme dit le prouerbe. Aussi il gardera tousiours sa malice, & en lairra tousiours quelque impression, au dedans du corps. Regardons le turbith, & me dictes, quel est celluy, daquel nous vsons tous les iours? Et que les apothicaires mettét en leur diaphemicon? Ceux de nostre temps, qui en ont escrit, en sont chez guillot le songeur, les vngs disent que c'est la racine de tripolium, qui est vne herbe, qui viét pres la mer, ayant les feuilles comme ioutte, asses frequente en noz marais. mais cela est faux. Car i'en ay arrache, qui ne conuient en rien, à la description du vray turbith. Les autres disent que c'est la racine d'une herbe dicté pithiúsa, qui est vne espee de Tithimalle. différente au vray turbith, comme montre euidentement Mathiolus en ses commentaires. Mais en ce different, noz apothicaires, par nostre consentement, veu, & sceu, mettent de belles racines de thapsia, qui est vray venin. Toutefois prenons le cas, que nous en ayons de vray. Encores Mesué dit, qu'il subuertist, & corrompt l'estomach, & qu'il extenue le corps. D'autant comme dit Auicenne, qu'il arrache des membres interieurs, leur humidite subtile, qui leur est pour nourrissement. Du thapsia, qui est mis au lieu du turbith, qui est encores pire, qu'en poués vous faire de bien dedans le corps. veu que par le dehors, il eschauffe si fort, qui fait rougir la partie, sur laquelle il est mis, & areste longuement. Ie scay bien, que Galien au troisieme de temperamentis, dispute ceste question. Pourquoi beaucoup de simples par le dehors vlcerent, quand ils sont appliques sur la peau, & par le dedans non. Mais si nous considerons le dire de Galien, il parle de ceux, desquels nature peut tirer aucun nourrissement,

F ij oomme

*Suffocant  
turbith.*

*Thapsia au lieu  
de Turbith*



*De la Rhubarbe*

*De la Rhubarbe  
comme elle  
est vraie.*

comme sont les oignons, les aux, & autres telles manie-  
re de bulbes. Mais de thapsia, elle n'en scauroit tirer au-  
cun nourrissement, car elle est du tout contraire à nature.  
S'il vous souvient, de ce qu'auons dit cy devant, que les  
medicamens qui sont seulement acres, & mordicans, sont  
de toute leur substance contraires à la nostre, & sont d'v-  
ne maligne nature, comme est thapsia. Outre aussi qu'il  
est d'une odeur si facheuse, & estrange, qu'il fait horreur  
à ceux, qui l'odorent. Je laisse son goust du tout eslongné  
du naturel. Je m'arreste trop à ceux cy: venons à la Reu-  
barbe, & à lagaric. Considerons s'il vous plaist, quelle  
Rubarbe nous auons ordinairement es boutiques, & la  
conferons avec là description, que donne Mesué, & le  
lieu dont-on la porte. Car il nous faut passer par son inge-  
gement d'autant que celle, dont parle Dioscoride, & Ga-  
lien, est d'autre nature. Je diray seulement vn mot, ia-  
çoit que ne soit, sans esmouuoir beaucoup ceux, qui ne  
veulent leur marchandise estre blasmée, ne desprisée, d'au-  
tant qu'ils la vendent chèrement, mais si faut-il dire veri-  
té. Celle qui communement s'apporte en Constantinople,  
& à Venise, viét du pays que maintenant on appelle Asa-  
mie, iadis nommée Mesopotamie. Et s'apporte par Cha-  
meaux iusques a la ville Dalep, ou elle est enleuée par les  
marchans, qui la transportent, où ils veulent. Comme les  
Venitiens qui sont en ceste ville la, l'enuoyent à Triopo-  
ly, qui est à deux iournées Dalep. Et de la par mer l'en-  
uoyent à Venise, & de Venise, à Lyon. Et auant que ve-  
nir en noz boutiques, Dieu scait par combien de mesna-  
gers, & imposteurs, elle passe. Combien de fois elle est  
trempée en eue safrinée, & dessechée. Tesmoing la sen-  
teur, & couleur, quelle nous monstre. Et toutesfois en-  
cores que nous l'aurions recente, ce n'est pas celle que loué  
Mesué, Mais celle qui vient des Indes, laquelle nous est  
incogne, comme la Rhapontique des anciens: à tout le  
moins



moins pardeça. Et iacoit encores, que Mesué l'appelle  
medicament excellent, & bening, si ne peut on euter,  
quelle ne face nuisance à l'estomach, à cause de sa qualité  
amere, de laquelle non seulement l'estomach, mais aussi  
le foye, sont grandement offences: tant pour estre prise  
par le dedans, que d'estre appliquee, par le dehors. Com-  
me dit Galien en beaucoup de lieux. Et qu'il nous decla-  
re aussi manifestement au dixième liure de sa methode,  
où il parle de la debilité de l'estomach, pour lequel il pre-  
fere l'absinthe pourique, au commun: d'autant qu'il n'est  
pas si amer, & est plus odorât & astringent, que le commun.  
Au contraire le commun est du tout amer, & peu astring-  
gét, & d'une odeur mal agreable. Je laisse la viellese de no-  
stre Reubarbe. Car peut estre, qu'il y a dix-ans, quelle est  
cueillie, deuant que de venir à nous. Par-ce que les mar-  
chans ont bien ceste astuce en eux, de ne vendre iamais  
leurs drogues nouvelles, qu'ils ne soyent descharges des  
vieilles. Et toutesfois Mesué dit, quelle ne garde sa ver-  
tu entiere, que trois, ou quatre-ans, pour le plus. Jalle-  
guerois ici lagaric, la Colochynthe, & tant d'autres sim-  
ples, desquels nous vsons tous les iours, dont nous ne sca-  
uons l'aage, comme ils sont cueillis, comme ils sont gar-  
des, comme ils sont préparés. Et si ie me voulois arrester  
là, il me faudroit faire vn liure entier. Mais ce n'est pas  
mon intention, d'en brouiller ainsi le papier seulement  
i'ay voulu monstrier, que nous vsons de medicamens ordi-  
nairement, qui sont plus pernicious, & s'il faut parler  
cōme vous, plus veneneus & cōtraires à nature que l'Anti-  
moine. Ainsi que l'auons ia monstre de la scammonée, du  
turbith, de la Reubarbe & si vous y voules mettre lagaric,  
tel que nous lauons, & que nous experimentons tous les  
iours, ie m'en raporte à vous. Car autant vaut l'un que l'aut-  
re. Et pource faire, & pour le donner mieux à entendre,  
ie viens à la troisième partie de ma preuue, qui est de l'ex-  
perience.



perience. Laquelle seule, est la vraye maistresse, qui declare, si ce que raison, ou cas fortuit à trouue, est bon: ainsi que Galien nous monstre en son liure des simples, où il di, uoir fait experience des choses, qu'il auoit trouué es liures de ses anciens, d'esquelles il en auoit trouué de toutes fauses. Ce qu'il a declare, il en a trouue de vrayes, lesquelles il a mis en lumiere & a conseille d'en vser, comme de remedes certains. Car comme il dit, il n'y a meilleure preuue, de ce que l'on a excogité, que l'experience, & leuenement que l'on en a. Et s'il est ainsi, considerons, ie vous prie, que Mathiolus recite, de Andreas Gallus medecin ordinaire de l'Archeduc d'Austruche. Lequel ayant. Inflammation d'estomach, de cœur, & de poulmon, avec vne soif inextinguible, vne inflammation au bout de la langue, & autres accidens aussi dangereux. apres auoir vſé de medecines ordinaires, qui ne luy seruoient de rien: Se retira à l'Antimoine, duquel il prist trois grains, avec du sucre rosat ou conserue de roses, dont s'en ensuiuit vn vomir, & deiection par le bas. Et consequemment la sante. Ie vous demande si l'Antimoine eust esté si violent, comme vous le faittes, s'en fust-il ensuiuy vn si grād prouffit, & si soudainement, Vous pouues scauoir combien Hippocrates & Galien detestent les medicamens laxatifs, és maladies aigues. Galien au commentaire du 24. aphoris. du premier liure, declarant, qui sont ceux, qui ne doibuent point prédre de medecine laxative, dit ainsi. Tous ceux, qui sont plains d'humeurs crues, ou qui ont vſé de viandes espesses, & glutineuses, qui ont les hypochondres tendues, & enflés, ou qui les ont chaudes, d'vne chaleur ignee, ou qui ont quelqu'n de leurs membres nobles inflammés. tous ceux-la ne doibuent prendre aucune medecine purgatiue. Or est-il, que cestuy-cy auoit les principaux membres inflammés. Et toutesfois il en a pris, avec bon euenement. Que si l'Antimoine eust esté

*A guree les  
les poudres  
pour estre  
pour estre*



esté vng médicament violent, vous scaues que par sacha-  
leur, il eust augmenté l'intemperature d'iceux, & eust  
causé la mort à celuy, qui l'auoit pris. comme il aduint à  
la dame cy dessus recitee. Dites-moy s'il vous plaist. Si  
aués medecine, que vous eussies voulu bailler en telle di-  
sposition, sans crainte de plus grand inconuenient? quant  
est de moy. Je n'en scay aucune: Adionsons qu'il auoit  
vne soif inextinguible, laquelle cessa apres le vomir. C'est  
bien loing de luy en engendrer vne. Car tout medicamēt,  
à cause de son action, & de sa nature, desseche l'estomach,  
& engendre le plus souvent soif. & non seulement le me-  
dicament violent, & chaut? Mais aussi celuy qui est benin,  
& n'a pas si manifeste chaleur? toutes fois il en a vne laten-  
te, & cachee, par laquelle il prouoque ceste soif. Comme  
tesmoigne Galien au commentaire du 19. aphorif. du 4. li-  
ure. D'auantage regardons qu'il auoit vne inflammation  
d'epiglottie, qui est vne petite langue, à la fin de la langue,  
qui couure le commencement de la grosse artere, qui est  
au col. laquelle pouuoit estre irritée d'auantage, quand le  
médicament ainsi chaut, & violent eust passé. Mais tant  
s'en a faillu, quelle fust irritée, que apres l'opperation de  
l'Antimoine, tous ces accidens luy cesserent. S'il est donc  
ainsi que ces choses soyent aduenues, comme recite Ma-  
thiolus, ie ne trouue aucune raison, par laquelle vous deus-  
sies ainsi blasmer c'est Antimoine. Et le mettre au reng des  
medecines veneneuses & violentes si vous ne vouldes du  
tout resister, à ce que le sens exterieur vous monstre. Or  
laissans les exemples externes ie vous reciteray, ce que i'en  
ay veu. Il y auoit vne ieune fille, qui auoit esté plus de huit  
mois si desgoustée, & son estomach si debile, qu'elle ne  
pouuoit porter la senteur de la chair: mes-me n'eust ose  
aualler du pain, tant elle l'auoit en horreur. elle prist de  
l'Antimoine, le lendemain elle se mist à table, mangea  
du pain, & de la chair, & avec bon appetit. Si nous con-  
siderons

*Antimoine*



siderons les effects des medicamens violens , comme cy  
deuant auons recite. Ils sont bien eslongnés de cestuy-cy.  
Il n'y a pas long temps que vn ieune homme vint à moy,  
ayant grande opilation de foye, le visage tout ianne, &  
commençoit, à enfler. Si desgousté que de veoir la chair,  
il en entroit en telle angoisse, qu'il rendoit tout ce qu'il  
auoit au corps. Brief il eust plustost mangé des pierres, que  
de la chair. Le luy baillay quatre grains d'Antimoine, avec  
conserue de rose. Deux iours apres, ie le trouuay delibe-  
re, la couleur de son visage remise en son naturel. Lequel  
me dist, que iamais n'auoit eu meilleur appetit, qu'à pre-  
sent, & qu'il estoit du tout changé. Et que sans ceste me-  
decine, il ne pensoit pas auoir vescu vn mois. Il y auoit  
vne pauvre femme en ceste ville qui auoit esté malade  
plus d'un an, & demy, fort changee, & quasi despe-  
rant de sa vie. Toutesfois s'en vint à moy, à laquelle, ie  
donnay trois grains d'Antimoine, avec sucre rosat, elle  
rendit par haut, & par bas, les choses les plus horribles, &  
puantes que l'on vit iamais. Tellement qu'ainsi quelle m'a  
raconte, elle mesme en auoit horreur. Deux, ou trois  
iours apres, passant pardeuât la boutique de quelque apo-  
thicaire, fust appelée, & la voyans ainsi deliberee, on luy  
demande, qui l'auoit si tost guerie. Respondit ce qui en  
estoit. Le gaigne dit le seruiteur, qu'il ta baillé de sa poison.  
Tu penses estre bien saine, mais deuant qu'il soit la saint  
Iehan, tu mourras. Car ceste poison, qui t'est demeure au  
corps, s'eschauffera, & te fera mourir, lors luy respondit  
la femme. Je ne scay, si ie suis empoisonnee. Mais ie ne me  
trouuay iamais mieux, que ie suis. Vous m'aués tenue plus  
d'un an à vous drogues, & m'aués destruite, sans que me  
ayes iamais donné aucune allegeance. Mais plustost ie me  
trouuois plus malade, apres en auoir pris qu' auparauant,  
Voila cōme aués si exauce ce pauvre Antimoine, qu'il n'y  
à seruiteur d'apothicaire, ne de barbier, qui ne le deschi-  
re



re à belles dents, & moy aussi, comme inuenteur de poison. Icy ieracompteray la responce d'une ieune damoiselle, à ceux qui luy dissuadoient d'en prendre. Luy disans que c'estoit poison, ainsi comme ils auoyent ouy dire aux autres. Je veux bien, dit elle, estre ainsi empoisonnee & trouue que telle poison est bonne: D'autant qu'elle me rend incontinent la sante: & ne desgoust point, & n'est facheuse à prendre, comme les autres medecines. Je veux maintenant reciter ce que j'ay congneu de l'Antimoine es maladies facheuses, & dangereuses. Nous pensions vne dame vng des medecins de ceste ville & moy, laquelle auoit vne grosse fiebure pestilentielle, à laquelle pour la debilité, & facheux accidens que luy trouuions, nosames luy tirer du sang, que enuiron vne once, & demye, ou deux pour le plus, & desesperant de sa vie, consultames ensemble, qu'il valloit mieux experimenter quelques remedes sur espoir de quelque ayde, que la laisser du tout sans aide. Nous aduisames de luy donner de nostre Antimoine, trois ou quatre grains, avec de la conserue de roses. Disant à son mari, que c'estoit vne poudre cordiale, & que voyas le pauvre espoir que auions d'elle, auions aduise de luy bailler, pour veoir, si nature feroit quelque chose. Elle le prent sur les quatres heures du soir, s'en scauoir quelle faisoit, la nuict la medecine fist son debuoir, tant par haut, que par bas, ainsi comme on nous recita le matin, auquel nous nous trouuames des cinq heures, ayans grande volonte de scauoir, comme s'estoit portee, & comme elle se porteroit. Nous la trouuames en vne petite couchette, ou on l'auoit remuee, sur le iour, sans fiebure, & sans douleur, sans debilité d'estomach, & sans aucun accident. Dont celuy qui estoit avec moy, ne se peut tenir de dire, qu'il n'eust pas pense, que l'Antimoine eust vne telle vertu, & que c'estoit la chose, la plus admirable, qu'il auoit iamais veu: Il a vne grande vertu. Contre la peste, ainsi comme j'ay recite

G

cy

*Quand malade  
fut guérie & saine  
et son amant*



cy dessus, de george medecin de prage. Mais i'en diray ce  
que i'en ay experiente. Vn chirurgien de cesté ville, vint  
à moy vng samedi matin, me priant de luy en aider, pour  
vng sien amy, qui auoit l'anthrac sur l'espaule, & la postu-  
me en laigne gauche. Le luy en baillay quatre grains, avec  
de la conserue de roses, puis ie fus pres de dix iours sans  
le veoir. Et apres l'auoir rencontre, ie le priay me dire le  
uenement de la medecine. Il commença à me dire, qu'il  
n'eust iamais pense, quelle eust vng tel effect. Car celuy  
dit-il, à qui ie le baillay, la prist sur les sept heures du ma-  
tin, s'en alla pourmener hors la ville, où il n'y fust pas de-  
mye heure, ou vng peu plus, que son estomach commença  
s'enfler, puis sensuiuit vng vomir de diuerses humeurs: Car  
il en rêdit, de iaunes, & verdes, de blanches, & noires, Des-  
quelles le goust, estoit maintenant amer, maintenant ai-  
gre, puis d'un goust horrible, & facheux. Peu de temps  
apres, s'estre mis à cheminer, son ventre se lasche, ou il ne  
fist pas moins que l'estomach, & d'une puenteur si abomi-  
nable, qu'il ne pouuoit porter la puenteur de ses excremés.  
De la s'en vint en sa maison. Se couché, & se reposé ceste  
nuict. Et le lendemain il s'en vint de sieuer avec le dit  
Chirurgien, n'ayant aucuns signes, ne accidens, de la mala-  
die precedente. Peu de temps apres, vint en ma maison  
vn ieune marchand de cesté ville, lequel, comme ie con-  
gneus auoir forte fiebure, grande douleur de teste, vouloir  
de vomir, & de dormir, avec vne tumeur en laigne, asses  
grosse, & fort d'oloreuse, ie luy baille de l'Antimoine, qui  
prist sur les deux heures apres midy. Le lendemain ie le  
vis bancqueter, avec ses voisins, n'ayant aucun accident  
de mal. De cestuy-ci, i'en puis tesmoigner, pour l'auoir veu.  
Depuis i'en ay baillé à plusieurs, qui se sentoient frappés  
de peste, lesquels, Dieu mercy en ont esté preserues. I'en  
ay baillé en fiebures continues, en fiebures quattes, en tel  
heur, q tous ceux, qui en ont pris, ont esté soudainement  
gueris.

*L'Antimoine est  
le plus est  
en un an.*



gueris. Si ie voulois mettre par escript , tous ceux , à qui  
i'en ay donnè, il me faudroit faire vn liure entier , ce que  
n'ay delibere faire , eurent prolixite , en laquelle ie suis  
quasi tombe , estant induict par la deduction de mes pro-  
pos. Or puis qu'il est ainsi, que par tant d'experiences, on  
à trouue l'Antimoine si salutaire: & sans faire nuisance au  
corps: comme peunèt tesmoigner ceux, qui en ont pris, ie  
ne doute, que par le tesmoignage d'hippocrates, qu'il ne  
soit à louer. Car puis qu'apres l'auoir pris, il en vient telle  
commodite aux malades, qu'il en sont gueris, Ou pour le  
moins, portent le reste de leur mal, plus facilement, & se  
trouuent grandement allegés, de leur personne. Je vous  
prie ne le calumniés plus, & ne faites point trouuer mau-  
uais, ce qui est si profitable. C'est bien loing, de rendre  
graces à Dieu, & louer celuy à qu'il a baille vne telle con-  
gnoissance, pour aider, & suruenir à ces maladies, si espou-  
uentables. Considerôs ce que dit Plinè, qui iacoit qu'il fust  
infidele: & defaict atheiste, toutes fois, s'emerueillant de la  
nature des medicamens, & de ceux, qui nous les ont lais-  
sés par escript: Je ne scay dit-il, si ie dois plustost adorer la  
solicitude, que ont eu les anciens, à chercher les remedes,  
ou leur benignite, qu'ils ont en, enuers nous, en nous les  
declarât. Si donc ce pauvre payen, à tant reuerer ceux qui  
nous ont baille tant de remedes, contre tant de malades,  
qui suruiennent tous les iours, à nostre corps. Que debuôs  
nous faire, qui nous courôs de la regeneration par la Pa-  
rolle de Dieu, à celuy qui a trouue vng si prompt reme-  
de, contre vne si effreneè beste, comme est la peste. Contre  
laquelle iusques à ceste heure, n'auions iamais trouue, qui  
la peut dompter. C'est se monstrier ingrat enuers la diuine  
prouidence, laquelle a reuele à l'homme, par sa bonte, vng  
tel bien, quasi comme vn miracle en nature, Si nous vou-  
lôs dire verité, sans point de faute, quât est de moy, ie loue-  
ray tant que viuray, & baisera par maniere de dire, celuy,




*Ames vobis &  
offre en l'ant*

qui a trouue, vng tel secret. Qui a esté si long temps cache,  
au grand detrimēt du peuple, & extolleray & beniray  
monſieur Mathiolus, qui nous la baille par eſcript, en ſes  
derniers commentaires, ſur Dioſcoride, & à ſon imitation,  
taſcheray de tout mon labeur, à touſiours chercher, ce qui  
pourra proffiter à la Republique qui eſt le plus grād hon-  
neur qui pourroit auoir l'homme faiſant office d'homme  
que procurer le bien d'vn chaſcū & ſi employer du tout. Et  
ſ'il eſt ainſi que par la loy de nature nous debuions ayder  
ceux-meſmes, des quelz n'auons receu aucun benefice que  
doy-ie faire. qui ay tant receu tāt de biens de voſtre libera-  
lité & tant d'honneur que d'auoir eſté receu & accepté des  
m'a rude ieuneſſe voſtre medecin ordinaire à vous gaiges,  
en ſerois-ie point reputé indigne de non d'hōme? ſi en c'eſt  
endroit ne me voulois employer ſuiuant le dire du docte  
Philoſophe Pythagoras, que Dieu a dōné aux hōmes deux  
tres excellēs dōs par deſſus tous les autres, c'eſt aſſauoir ay-  
mer verité & proffiter à tous. Qui a rédu beaucoup d'hōmes  
immortelz enuers la poſterité, pour ſe reſſentir du biē qui  
par leur eſtude luy eſtoit communique & a extollé & cele-  
bre les viuans, quād ils ont faiēt le pareil. Qui m'a eſté auſſi  
vng aiguillon de perſeuerer en ce vouloir. Ce que ie vous  
prie meſſieurs croire, & vous tenir aſſeurés, que tant qu'il  
plaira à Dieu me laiſſer en ceſte vie, & viure avec vous, n'au-  
ray autre intention, & deſir, que de m'employer du tout  
à voſtre ſernice, & conſeruatiō de voſtre republique. Et  
en confirmation de ce vouloir, ay pris la hardieſſe vous pré-  
ſenter ce petit liure, indigne de voſtre grandeur, mais ag-  
greable, ſi regardes le cœur de celuy qui vous l'offre, vous  
ſupplians ſupporter ſon infirmité, & ignorance, deſquel-  
les ne peut eſtre exempt à raiſon du petit ſcauoir qui eſt  
en luy. A dieu.


F I N













8700  
2,40L

